

१३८

दर्ता नं.: ४८/२०७६/७७

पुर्खां दयक तकागु सम्पत्ति, भीगु कला व संस्कृति  
पिकाक-भक्तपुर नगरपालिका



पुर्खां दयक तकागु सम्पत्ति, भीगु कला व संस्कृति

# ब्रह्मसंसार

नेपाल संवत् १९४४ चिल्लाथ्व / २०८० चैत्र १ / 2024 Mar. / ता: १०३, दाँ: ६



## ऐतिहासिक मान्युपुखू नपां जलेश्वर देवः या उल्लेज्या



ख्वप इन्जिनियरिङ कलेजया एवसालय जूगु रोबोट धिंधि  
बल्ला नपां प्रोजेक्ट ब्वज्या (२०८० फागुन २४ गते)



वडा नं. ४ क्वाञ्चेया सिचु फल्चाय प्लहै वियगु ज्या इकः  
(२०८० फागुन १६ गते)



## કબડી ધિં ધિં બલ્લા બાંલાક કવચાય્મઃ, મિઠુના

ખ્વપ નગરપાલિકાયા ગ્વસાલય ફાગુન ૨૯ ગતે નિસેં ચૈત્ર ૩ ગતે તક નગર બ્યાગુ અન્તરનગર મહિલા કબડીયા ધિં ધિં બલ્લા જુયો ચ્વંગુ દઃ। જ્યા ઇવઃયા ઉલેજ્યા હાનય્ બહ્મહા નેપાલ મજદુર કિસાન પાર્ટીયા નાયો ભાજુ નારાયણમાન બિજુકુછું (રોહિત) જું યાડઃ દ્યૂગુ ખઃ।

દેયા ૧૫ ગુન નગરપાલિકાં બ્વતિ કઃગુ ઉગુ ધિં ધિં બલ્લા કાસા સહિદ સ્મૃતિ કાસા ખ્યલય્ જુયો ચ્વંગુ દઃ। ખ્વપ નગરપાલિકાં દાયું છગુ નગર બ્યાગુ અન્તર નગર કાસાયા ધિં ધિં બલ્લા યાડઃ વયો ચ્વંગુ દઃ। સ્થાનીય તહ્યા નિર્વાચન ઘોષણા-પત્ર ખ્ય્ દાયું છગુ કાસાયા ધિં ધિં બલ્લા યાય્ગુ ખ્યું નિઃથાડઃ તઃગુ દઃ। અજગુ ધિં ધિં બલ્લાતા જનપ્રતિનિધિ જુપિસં નિર્વાચનયા ઇલય્ જનતાતા બિયાગુ બચં પૂવાંક ચ્વડાગુ ધાયો ચ્વંગુ દઃ।

ખ્વપ નગરપાલિકાં કાસાતા નં હદાય તયો જ્યા યાડઃ વયો ચ્વંગુ દઃ। ઇલય્ બ્યલય્ થી થી કાસાયા ધિં ધિં બલ્લા યાડઃ વગુ, કાસામિપિન્તા હાનય્જ્યા યાડઃ વયો ચ્વંગુ, પૂર્ણકાલીન કાસાયા શિક્ષકપું નિયુક્તિ યાગુ, કાસા સ્યનામિ શિક્ષકપિન્તા તાલિમયા બ્યવસ્થા અલય્ બ્વનય્ કુથિતા કાસાયા ન્હ્યબઃ (સામગ્રી) ઇડઃ બ્યાગુ, કાસાતા હદાય તઃગુયા છગુ નેગુ દસુત જક ખઃ।

અન્તર નગર મહિલા કબડીયા ધિં ધિં બલ્લા દેયા દકલય્ ન્હઃપાં જ્યો ચ્વંગુ કાસા દક ધાયો ચ્વંગુ દઃ। થુકી બ્વતિ કાઇપું કાસામિપિન્ગુ બિમાયા બ્યવસ્થા, નય ત્વનય ચ્વનય્ગુ થાય્યા બાંલાગુ બ્યવસ્થા ખ્વપ નગરપાલિકાં યાડઃ ચ્વંગુ ધઃગુ દઃ।

અપલં નગરપાલિકાં બ્વતિકાઇગુ આશા યાસાં દેયા થી થી હિંડાગુ નગરપાલિકાં જક બ્વતિ કઃગુ ખ્યું ગ્વસાખલ: ખ્વપ નગરપાલિકાં ધાયો ચ્વંગુ દઃ। કાસાખય્ ન્હાપ લાગુ પુચઃ તા ૧ લાખ ૫૦ હજાર તકા, લ્યુ લાગુ પુચઃ તા ૧ લાખ વ લ્યુ યા લ્યુ લાગુ પુચઃ તય્તા પચાસ, પચાસ હજાર તકા દાં યા સિરપા બિઙુ ખ્યું ક્વઃ છિડઃતઃગુ દઃ। કાસા કવચાયકેતા નગરપાલિકાં ઝ્ર લાખ તકા દાંયા બજેટ છખ્ય્ લિંકગુ ખઃ।

સકલ નાગરિક પિનિગુ જિઉ બાંલાક, સ્વસ્થ યાડઃ તય્તા કાસા વ બ્યાયામ દ્ય્મઃ। નગરપાલિકાં નાગરિક પિન્તા સ્વસ્થ યાડઃ તય્ગુ મતિં થાય્ થાસ્ય બ્યાયામશાલા તયો બ્યૂગુ દઃ। ઉકિં લ્યાસે લ્યામ્હો પું જક મખુ મેપું નં સ્વસ્થ યાય્તા ગ્વાહાલી યાઈ।

ગ્વસાખલ: નગરપાલિકાં ધઃ કાથં કાસામિપિન્તા નં રાજનૈતિક ચેતના બિયો દેયા લાગિં બલિદાનયાય્ ફઃપું લ્યાસે લ્યામ્હોપું બ્વલાંકય્ગુ તાતુના નં ખઃ। માલિગુ ઇલય્ દેયા લાગિં સેના જ્યો દેયા સાર્વભૌમિકતા લ્યકઃ મ્વાકઃ તય્તા હજ્યાય્ગુ થૈયા લ્યાસે લ્યામ્હોપિનિગુ કર્તવ્ય ખઃ।

અન્તરનગર મહિલા કબડીયા ધિં ધિં બલ્લાં ખ્વપ દેતા દેશદુનય્ વ દેશાંપિનય મ્હાસિદ્ધકે બિયગુ નં તાતુના ખઃ જક ગ્વસાખલં: ધઃગુ દઃ। મદિક્ક થજગુ ધિં ધિં બલ્લા કાસા ગ્વસ: ગવયો બાંબાલાપું કાસામિપું બ્વલાંકય્તા થુગુ કાસાયા ધિં ધિં બલ્લા બાંલાગુ ગ્વાહાલી જુઙગુ આશા યાય્। કાસાયા ધિં ધિં બલ્લા તઃ જિક, બાંલાક હાનય્ ફય્મઃ દક ખ્વપ પૌ પરિવાર ભિન્તુના દેછાય્।

પિકાક-ખ્વપ નગરપાલિકા/સમ્પાદક-આશાકુમાર ચિકંબજાર, ડેસ્કટપ-ધન લક્ષ્મી ત્યાત, આવરણ સજ્જા-રેણુ ધજ્ઞ, થાકુ- ભત્તાપુર અફસેટ પ્રિન્ટર્સ ફોન લ્યા: ૦૧-૬૬૧૩૦૪૩, ઇ-મેલ- khwopapau@gmail.com



का. रोहित

२० जुलाई सुथसिया दः३० ताइलय् जिपुं च्वड वाडागु मोटर फिंगफंग कमकर स्वास्थ्य निवासय् बेतोडं ब्वाकय् यंकल । मोटरय् च्वं च्वं हाडग चाउया बां बालागु प्राकृतिक कृतिम 'लू' त स्व स्वं पहाड व जडगलया नागबेली लॉचां न्याकुं कायो वाँ वां शांधाई मजदुर संघया फिंगफंग सांग कमकर स्वास्थ्य निवासय् थ्यन । उगु स्वास्थ्य निवास पश्चिमी भीलया दक्षिण पाखय्या छगू पहाडय् दाड तःगु खः । स्वास्थ्य निवास तस्कं बालागु थासय् दय्कः तःगु खः । उगु स्वास्थ्य निवासया प्पखेरं स्वंमा, सिमा पिडः वाउँसे च्वंकः तस्क. हायेपुक बालाक तयो तःगु खः । थुगु स्वास्थ्य निवासया हः नयया चुकय् फोहरां नाः था थ्यंक म्हूक तःगु व आना छायपियो तःगु छगू छगू लू स्वय बलय् त्यानुगु व आय्बुगु अलय् थाकुक वानिगु थाकु पहः हे ताड वानिगु काथं, मन हे याउँसे च्वनिगु काथं दय्कः तःगु दः ।

क्रान्तिया इलय् थुगु थासय् च्याड काई शेकया गृष्मकालीन (तः नुइगु इलय् च्वं वैगु) दरबार दय्केता फुक मालसामानत हयो ताय् तःगु खः । शांधाइया मजदुर (ज्यामि) पिसं हाङ्ग चाउता मुक्त (स्वतन्त्र) याय धुडानिं १९५४ अगष्टय् शांधाई मजदुर युनियनं स्वास्थ्य निवास दानय्गु ज्या न्ह्याकः १९५५ अगष्ट महिनाय् दानय् धुंकल । अपरेटिश, ब्रोन्काइटिश, आम हाईप्रोटेशन, नभूसडिजिज थजगु थी थी ल्वयया उपचार थाना जुई । थुगु स्वास्थ्य निवासं ७६०० वर्ग मिटर त्यल च्वंगु दः ।

## चीन यात्रा सं का. रोहितया लुमठित 'फिंगफंग कमकर स्वास्थ्य निवास'

थाना पूर्वी व पश्चिमी नेंग काथंया वास याई । फिजियोथेरापी, (प्राकृतिक) पुलां पुलांगु चिनियाँ उपचारत गथेकी चँच्यू (मूलं तिइगु) मेडिटेशन (पूर्ण आराम वा ध्यान बाहेकं थाना पश्चिमी काथंया वासया न्हूं न्हूंगु उपचार नं याई ।

थुगु स्वास्थ्य निवासय् तेस व डय्गू शय्या दः । स्वास्थ्य निवासया प्रशासन उपचार प्रयोगशाला, रसायन (ल्याव) थी थी विभागय् ज्या सानिपुं मुक्कं स्टाफतय्गु ल्या सत्याम्हा (१५०) स्वयो अपः दः । सन १९५९ तक ख्य थुगु स्वास्थ्य निवासं १९३७ म्हा ल्वगि पिन्ता लांकः छ्वय धुंकलसा खुद्व व डासम्हा मजदुरपुं थाना वयो आराम कायो वानय् धुंकल ।

पाहॉपिन्ता लसकुस याइगु सत्कार बैठक न्हूंगु काथंया ताय्का । जिमिता स्वास्थ्य निवासया अधिकारी लसकुस याड दिल । खॅल्हाबॅल्हाया इवलय् जिमिगु स्वास्थ्य निवास (I.U.S sanatorium) या विषयलय् नं न्यड दिल ।

**क्रान्तिया इलय् थुगु थासय् च्याड काई शेकया गृष्मकालीन (तः नुइगु इलय् च्वं वैगु) दरबार दय्केता फुक मालसामानत हयो ताय् तःगु खः । शांधाइया मजदुर (ज्यामि) पिसं हाङ्ग चाउता मुक्त (स्वतन्त्र) याय धुडानिं १९५४ अगष्टय् शांधाई मजदुर युनियनं स्वास्थ्य निवास दानय्गु ज्या न्ह्याकः १९५५ अगष्ट महिनाय् दानय् धुंकल ।**

थःगु खॅल्हाय्गु इवलय् वयकलं धायो दिल - क्रान्ति स्वयो हाँ मजदुरपिन्ता स्वास्थ्य सम्बन्धी थजगु छुं हे सुविधा मरु । उब्ले ज्यासलय् ज्यासाँसां सुं मनू विरामी जूसा व घःप जूसां ज्याखं हे लिकायो छ्वैगु । अलय् अः क्रान्तिया लिपाया सरकारं ज्यामि (मजदुर) पिनिगु स्वास्थ्यया बिषय अपलं बिचः याडस्वैगु यासें विरामी जूसा, छुं काथं घःप जुयो दुर्घटना जूसा धेबा म्वायकः वास याई । अलय् भत्ता नं बिर्द । देशय् समाजवादया न्हूंपां न्हपांया पला छिबलय् हे थजगु सहुलियत (रवाहाली) दयो मजदुर पिनिगु मन तस्कं चं चं धायो उत्साहित जुयो ज्या सान अलय् अः लिपा लिपा थव स्वयो नं अभ बालाक यंकय् फय्केता थमनं ज्या याडागुया

ज्यालां चन्दा नं बिल ।

“वांगु दायतक हिंगुः व स्वीन्हयम्हा ल्वगि पुं व खुद्व व डासः आराम कायता व :पुं मजदुर पिनिगु सेवा याय् धुन् । थुगुसी नं ता हाकगु ब्वाकः वानयगु ज्या खय् ब्वति कायो (थाकुक ज्या साड) व पुं हिन्यद्व ज्यामित आराम यायता थाना वै । थजगु सहुलियतया व्यवस्था मिसाज्यामि (महिला मजदुर) पिन्ता नं उथिं ग्रंकहे दै । खुम्हा मचात बुइकम्हा छम्हा मिसाम्हा ज्यामिता ज्यासलं (कारखानां) हे लिकायो छ्वता । क्रान्ति हाँ ज्या सानय् मफूंपुं व

**क्रान्ति स्वयो हाँ मजदुरपिन्ता स्वास्थ्य सम्बन्धी**  
थजगु छुं हे सुविधा मरु । उब्ले ज्यासलय् ज्यासाँसां सुं मन् विरामी जूसा व धःप जूसां ज्याखं हे लिकायो छ्वैगु । अलय् अः क्रान्तिया लिपाया सरकारं ज्यामि (मजदुर) पिनिगु स्वास्थ्यया विषय अपलं बिचः याडस्वैगु यासें विरामी जूसा, छुं कार्थ धःप जुयो बुर्घटना जूसा धेबा म्वायकः वास याई । अलय् भत्ता नं बिई ।

मचाबुपुं मिसा ज्यामि पिन्ता छुं छुं हे सहुलियत मरु बरु ज्याखं हे लिकायो छ्वैगु अः क्रान्ति लिपा खुम्हा मचाया मां जुय धुंका: नं मचा बुइकसा डय्खुन्हया मचाबु विदा (सुन्केरी बिदा) बिई । वयागु स्वास्थ्य बांलाडानिं तिनि ज्याखय् छ्वै अलय् विदाय् च्वनिबलय् भत्ता नं बिई । थाना आराम यो वइपुं, उपचार यो वइपुं मजदुरत उपचार काय धुंक आराम जुइकः नेगू प्यंग किलो अपः दय्क ल्हवंकः वानी । स्वास्थ्य निवासया गुगः बस दः । उगु बसं मजदुरपिन्ता धेबा मकसिं ल्हययो है । अः हाडगचाउखय्जक मजदुरपिनिगु प्यंग स्वास्थ्य निवास व नेगू आराम निवास दः । उकी १२०० शय्या स्वयो अप दः । पार्टी व सरकारं जनताया स्वास्थ्यखय् अपलं ध्यान बियो च्वंगु दः । गुकिं याड सरकार व युनियनं न्हयाक च्वंगु मुक्कं स्वास्थ्य निवास हाडगचाउलय्जक नीन्यगू दः ।


स्वास्थ्य निवासया विषय अधिकारी जू पाखं न्यनय् धुंकः जिमिता मतिवांगु खाँ वयककय् न्यडाअथेसा फुककं काथया ज्यामिपिसं उथिंयंकः सहुलियत काय् फै ला ? धायाबलय् वयकलं लिस बियो दिल - ‘मजदुर नियम काथं च्यादा तक ज्या सानय् धुपुं ज्यामितयता धेबा म्वायकः उपचार याईसा च्यादा स्वयो म्हवँ जक ज्या सांपु ज्यामितयता नियम काथं ६० निसे सतप्रतिशत तक धेबा म्वायक वास याई ।

अधिकारी जू नपां या छलफल लिपा जिपुं स्वास्थ्य विभागया हरेक थासय् वाड स्वःवाडा । स्वास्थ्य निवास धात्यें हे तस्कं

## सचिष्ठव नीगुगू ख्वप पौ. बःष्टि पौ(पाक्षिक)

बांलागु नपां व्यवस्थित जू । जिमिगु स्वास्थ्यनिवास (अन्तर्राष्ट्रिय युवक विद्यार्थी स्वास्थ्य निवास) य् मरुगु नाखं याइगु पानी -उपचार व मेमेगु काथंया उपचार याइगु विभागत नं स्वया ।

उपचार व आराम यो भःपुं मजदुरत नपां नं न्यनय् कानय् याडा । अपुं गुम्हां उत्तरं वपुं खः सा गुम्हां दक्षिणं व पुं जुयो च्वना । आना चीन देया कुं कुलामय् च्वंगु इस्पात, न्याँ, लकां, कापः थी थी कारखानाय् नं वःपुं मजदुरत दःगु जुयो च्वना । वयकपुं गुम्हां आराम कायो च्वंसा गुम्हां पत्रिका (न्हिपौ) स्वयो च्वना । गुम्हां चेस म्हेत च्वंगु दः: सा, गुम्हा हाडगचाउया ल्ववाना पुसे च्वंगु लू त स्वयो मन लय्ताय्क च्वना । स्वास्थ्य निवासया स्टाफपुं धः सा थः थः गु ज्याखय् हे लिई मलाक जुयो च्वंगु दः ।



फुकक विभागत स्वय धुंकः तस्कं बांलागु फिंगफंग स्वास्थ्य निवासया अधिकारीपिन्ता सुभाय देलायो बिदा फ्वडः जिपुं मोटरं ल्याहाँ वया । मोटर मेगु ज्या झवःया लागिं न्हयात ।

## ख्वप नगरपालिकाया प्रमुख सुनिल प्रजापतिया न्वचु



**ख्वप नगरपालिकां सम्पदा ल्यंकः**  
म्वाकः तयगु ज्या हदाय तयो ज्या साडः  
वयो च्वंगु दः । मूर्त व अमूर्त सम्पदां जःगु  
ख्वप दे अः म्वाडः च्वंगु (जीवन्त) संग्रहालय  
काथं न्ह्यान्हिथं म्हासिका पिभ्यो वयो च्वंगु  
दः गुकिं देशं दुनय् व देशं पिनय्या  
पर्यटकपिनिगु मन क्वसाय्कः साल च्वंगु दः  
थुलि बालागु थासय् पर्यटकपु छकः मवर्से  
मगागु गन्तब्य स्टल जुनु वयो च्वंगु दः ।

२०७२ सालया तः भवखाचां ख्वपया  
अपलं सम्पदात थुडः स्यंकः बिला । २०७४  
साल लिपा जिपु जनप्रतिनिधिपु चुनावं त्याकः  
वाडानि भवखाचां स्यंकगु सम्पदात प्राथमिकता  
कम स्वयो योजनाबद्व काथं ल्हवनय कानय्  
व दानयगु ज्या न्ह्याका । स्थानीय जनताया  
साथ व रवाहालीं बिदेशी तय्के ध्याछ धेवा  
हे मकः सिं ल्हवनय्- कानय् ज्या हज्याका  
यंका । अलय डादाया न्ह्यापांगु इलय १२४ गू  
सम्पदात ल्हवनय् कानय व दानयगु ज्या  
क्वचाय्कगु खाँ कानय् दयो जिमिसं गर्व  
ताय्का । उब्ले हे ल्हवनयगु ज्या न्ह्याकागु  
मध्ये छगु सम्पदा खः - ऐतिहासिक महत्व

कः घाड च्वंगु ख्वप नगरपालिकां वडा नं १  
या भाजु (भाज्या) पुखु ।

भाजु पुखु २०५४ सालय् त्याक  
भःपु नगरपालिकाया जनप्रतिनिधिपिसं  
२०५८ सालय् हे ल्हवनय् ज्या न्ह्याकगु खः ।  
कार्यपालिका लिपालिपातिनि जक ज्या  
न्ह्याकगुलिं २०५९ साल साउन निसें स्थानीय  
निकायलय् जनप्रतिनिधिपु मरुतेलिं भाजुपुखु  
ल्हवनयगु ज्या नं हज्याय् मफूत ।

हिङ्गादातक जनप्रतिनिधिपु मरु ईं  
फुय धुंकः २०७४ सालय जिपु चुनावं त्याकः  
वाडा । शिक्षा, स्वास्थ्य नपां सम्पदा ल्हवनय  
कानय् ज्या नं हज्याकः यंका । भाजुपुखुता  
नं हदाय तयो पुरातात्विक महत्वता बिचः  
याडः गम्भीर जुयो ज्या न्ह्याका । ज्या  
न्ह्याकगु इवलय् पुरातत्वविद, संस्कृतिविद,  
इतिहासविद, वास्तुकलाविदपू नपां स्वापु दःपु  
सकले मुंकः तःकः हे औपचारिक व  
अनौपचारिक छलफल अन्तरक्रिया  
याडा । वयकपिनिगु सल्लाह व सुभाव  
काथं ख्वप नगरकार्यपालिकाया  
२०७५/४/२९ गते च्वडागु बैठकं प्रा.डा.  
पुरुषोत्तम लोचन श्रेष्ठया कजिलय्  
खुम्हासिया छगु 'अध्ययन कार्यदल' निः  
स्वाडा । कार्यदलं न्ह्यलातक अध्ययन  
याडः उकिया विस्तृत अध्ययन प्रतिबेदन  
नगरपालिकाता बिला । भाजुपुखुली लुयो  
वगु ऐतिहासिक प्रमाणया लिंगसाय भीगु  
थःगु हे मैलिक पहलय् ज्या न्ह्याकय्ता  
अःपुल ।

**दकलय न्हःपाँ ख्वप**  
नगरपालिकाया जनप्रतिनिधिपु कर्मचारी,  
स्थानीय टिम, क्लव, संघ संस्थात व  
स्थानीय जनतात मिलय जुयो सुचुकुचु  
ज्या इवः न्ह्याका । अध्ययन प्रतिवदनया  
लिंगसाय आना लुयो वगु दसिकाथं पूखु

दथ्वी जलेश्वरया देगः दःगु खाँ सिय दत ।  
वनहाँतक पुखुली दथ्वी देगः दः धायगु खाँ  
सुननं हे स्यूगु मखु । मुलः स्वयगु इलय्  
लुयो वगु फुक्क वस्तुया अभिलेख त तं  
संस्कृतिविद पिनिगु सुभाव काथं पुखु ल्हवनयगु  
नपां जलेश्वर देगः दानयगु ज्या नं हज्याका ।  
भाजुपुखु भीगु थःगु मैलिकतां मजाइ दकः  
जिपु तस्कं बिचः याडः पलाछिडः ज्या  
न्ह्याका । पूखुली जनताया थःगु धायगु  
भावना ब्बलाडः च्वनय् मः धायगु मति  
मेमेगु सम्पदाय् थे तुं स्थानीय जनता च्वडः  
दयकगु उपभोक्ता समिति पाखं पुखु ल्हवनयगु  
व्यवस्था यात ।

पुखुली नाः मथाइगु समस्या दःगु  
जुल । उकिता स्थानीय पासा पिनिगु सल्लाह  
काथं देचा वायगु व्यवस्था याडा । नाः या  
समस्या थःमजु धायो थिङ्कः बोरिडः याडः  
नाः थाडा । चाकलिंया. पः खः दानयटा



## सचिष्ठव नीगुगूरु ख्वप पौ. बःष्टि पौ(पाद्धिक)

नेपाल सरकार सहरी विकास मन्त्रालय पाखं नं रवहाली ब्यूगु जुल ।

भाजुपूखु पुलांगु पहलं हे दय्केगु इवलय पुलांगु पहःया अपात इलय हे हय मफः गु, मः काथंया साइजया सिँत बजारय् न्यायमरुगु थजगु यक्व यक्व पंगः त चिङ्कः वानय् माल । उत्तरपाखय्या दमकल नपांया लाँ चाय्केता ता ई विता लाँ मचाय्कतलय पुखुया उत्तर पाखय्या आंगःत ल्हवंकय् वियमखु दक त्वालय्याय् पिसं जिद्दी याडः च्वंसेलिं ज्या पाडः च्वन । तः कः छलफल याडानिं बल्ल खाँ मिलय् जुया निं १३ फिटया लाँ चाय्कसेलिं पुखुया उत्तरपाखय्या थासय् ज्या क्वचाय्का । उत्तर पाखय्या गरी स्थानीय मनुतय्सं थःगु काथं छ्यल तःगु खः । जिमिगु इनापता मानय् याडः वयकपिसं थः थमं सामानचिङ्कः रवहाली याडः दिला । थु काथं पुखुया पुलांगु पहः ल्यकः तय्ता अःपुयो वान । न्हयाक्व हे ई बिसां भीगु थःगु मौलिक पहःता स्यंक्य मबिया । छ्गू छ्गू विषयलय् विज्ञपिन्के सल्लाह याडः जक ज्या हज्याका ।

अजनं पुखुया दक्षिण भाग भक्तपुर क्याम्पस पाखय् लाँ चाय्केगु ज्या ल्यं दःनि । क्याम्पसया पदाधिकारीपुं नपां जिमिसं तः क हे छलफल याय् धुन । भाजुपूखु व भक्तपुर

क्याम्पस नेगुं जनताया मंकःगु सम्पति खः । नेगूंयाता ल्यंकः म्वाकः तय्गु जनताया मंकःगु जिम्मेवारी खः । राज्यया सम्पति मस्यनय्मः जक जिपुं सचेत जुयो ज्या सानय्गु पुलांगु नक्साखय भाजुपूखुया गरी बालाक हे सिय दः । नक्सा हःनय् तयो नं जिमिसं छलफल याय् धुन । उगु ज्या अजनं हज्याकः च्वडागु दः नि ।

पुखुदय्क च्वडागु इलय नेपाल मजदुर किसान पार्टीया नायो भाजु नारायणमान बिजुक्छेँ जु इलय् ब्यलय् स्वः भायो सल्लाह ब्यू ब्यूं लाँपु क्यनय्गु ज्या याडः द्यूगु खः । उकिं जिपुं त्याकः वयापुं जनप्रतिनिधि पिन्ता व ज्या सानिपुं ज्यामिपिन्ता उत्साहज्याकः बिला । जिमिसं वयकं सल्लाह ब्यूकाथं हे ज्या हज्याक यंका । अः भाजुपूखुया ख्वः सिकागु थें अजनं मन क्वसाय्क काइगु जिमिता विश्वास दः । ख्वप नगरपालिका वडा नं. १ य् तः (सिद्ध) पुखु नःपुखु रानी (न्हूँ) पुखु व भाजु पुखुयाडः प्यंगः तस्कं बालागु पुखुत दय्के धुन । वडा नं. १ कं पुखु पुखुया वडा काथं (विशेषता) म्हासिङ्का पिभवयो वगु जुल । पुखु दय्के धुकः उकिता बालाकय्ता अज थाकुगु खाँ जिमिसं चाया । थुकीं स्थानीय जनतां बिचः याइगु जिमिगु आशा खः ।

पुखु ल्हवनय्गु इलय् ब्यलय् भायो लाँपु क्यडः द्यूम्हा नेमकिपाया नायो हानय् बहम्हा नेता नारायण मान बिजुक्छेँ (रोहित) जू याता दुनुगलं निसें सुभाय् देछाय् । भाजुपूखुया खाय॑ दुरयंकः अध्ययन याडः द्यूम्हा अध्ययन कार्यदलया कजि प्रा.डा. पुरुषोत्तम लोचन श्रेष्ठ जु नपां सकलें दुजःपुं जनप्रतिनिधिपुं, उपभोक्ता समिति च्वडः कजि जुयो ज्या साडः द्यूम्हा लक्ष्मी नारायण खत्री, कृष्ण प्रसाद दुमरु, केशव कोजु व जीवन दुवाल जु पुं नपां समितिया सकलें दुजः पुं स्थानीय पासापुं, खानय् दय्कः व मदय्क रवहाली याडः द्यूपुं सकल जनताता नं दुनुगलं निसें सुभाय् देछायो च्वडा ।

भाजुपूखुया फुक्क खाँ दुथ्याकः ‘भाजु पुखु र जलेश्वर मन्दिर पुनः निर्माण’ साफू नं थौं पिता ब्वज्या जुइगु दः । उगु साफू पिकाय्ता स्वापु दःगु च्वसुत बियो तेजेश्वर बाबु गवंगः, गौरीबहादुर कार्की, ओम धौभडेल नपां यक्व सिया रवहाली दः । अथेहे साफू पिकाय्ता लक्ष्मण जोशी, धनलक्ष्मी त्यात लगायत अपलं सिनं मेहनत याडः द्यूगु दः । थुगु इवलय् रवहाली याडः द्यूपुं सकलसिता ख्वप नगरपालिका पाखं यक्व यक्व सुभाय् दे छायो च्वडा ।



## एनजिओ, आइएनजिओत साम्राज्यवादी तयगु आर्थिक ज्या भः

विवेक

अः नेपालय गैरसरकारी संस्था (एनजिओ) व अन्तर्राष्ट्रिय गैर सरकारी संस्था (आइएनजिओ) तयगु चहपह अप्वयो च्वंगु दः । माघ १० गतेया अन्नपूर्णपोष्ट निह पौ ख 'डादाया दुनय एनजिओ, आइ एनजिओ तयसं धेबा हला १० खर्ब, ल्याचा धः सा बालाक क्यनय् मफः, अपारदर्शी । नां तयो ताः हाकगु बुखाँ पिकाल । उगु बुखाँसं अः नेपालय् १२० गू आइएनजिओ व ५५ दृ एनजिओ त ज्या साडः च्वंगु दः दक त निहथाडः तःगु दः । बुखाँ काथं दाचिछ्या थयं मथयं नेगु अर्बतकाति एनजिओ व आइ एन जि ओ तयसं नेपालय् खर्च याडः च्वंगु खानय् दः । उकिं भीगु देता छु फाइदा दता ? अलय् विदेशी तयसं थाना अथे धेबा छाय् खर्च याता?

खाँ अर्थे हे सियदः थः स्वयो कमजोर व अविकशित देशता उपनिवेश यायता साम्राज्यवादी तयसं आर्थिक ज्याभः काथं एनजिओ व आइएनजिओ तयता छ्यलिगु । साम्राज्यवादी तयसं गुगु देशता उपनिवेश याय् तांगु खः उगु देशय् थःपु दलालत तयार याडः वै । उकिया लागि अमिसं धेबा नं माः हवथे हवली । न्हूँ न्हूँ पु ल्यासे ल्याम्हो पु मथां हे साम्राज्यवादीतयसं विषय थुडः तःगु चाक् खय् भुलय् जू वानि । अलय् अमिता हे छ्यलः थी थी काथंया उपद्रत याकः है ।

शिक्षा, स्वास्थ्य थजगु लागाय् धेबा छ्यलागु क्यडः तै अलय् दुन दुन थःपु नुगः न्वःचापु गुप्तचरत ब्वलांकः च्वनि । सञ्चार माध्यमत थःगु लाहातयकायो थः यत्थे थःगु खाँ बयबय

याकः च्वनि । संसारय् अप्वयो वगु कम्यूनिस्ट भावनाया लिच्वः म्हवः याकयगु, साम्राज्यवादी देशया लिच्वः अपलं लाक यंकयगु नपां उगु देशया प्राकृतिक सोत व साधनत थःगु लाहातय् लाकयगु हे अमिगु मू तातुना तैगु खः । साम्राज्यवादीतयसं गुगु नं देशता दकलय् न्हपां कतया भरय् म्वाय मायकः बिङ्गु । विश्व बैद्यक, एशियाली विकास बैद्यक, अन्तर्राष्ट्रिय मुद्राकोष थजगु अर्थिक ज्याभः लं धेबा त्याय बिलकीं राज्यया स्वामित्वखय् दयो च्वंगु कलकारखानात निजीकरण मयासें मगागु सर्त (खाँ) तै । अजगु सर्तत मानय्यायगु धायगु पूँजीवादता ज्यू धायो मानय यायगु खः । विश्व बैक, एशियाली विकास बैद्यक व अन्तर्राष्ट्रिय मुद्रा कोषं तःगु सर्तत ज्यू दक डाल यंकयगु इवलय् नेपः या सरकारं भूकृटी कागज कारखाना, हेटौडा कपडा उद्योग, बाँसबारी छाला जुत्ता कारखाना थजगु फुक्क धायथे कारखानात निजीकरण मःयासें मगागु अलय देशपूर्ण रुपं कत देशया भरय् म्वाय मालः वान ।

साम्राज्यवादी तयसं जनप्रतिनिधि, सरकारी उच्च पदाधिकारी निसें सामान्य नागरिक पिन्ता तक धेबाया लिच्वं क्यंकी । मन्त्री, सांसदपुं, प्रमुख व उप प्रमुख थजपु नीति दयकि पिन्ता तः तः हांगु होटेलय् यंकः ज्या इवः त याइगु निसें विदेशय् चाहिङ्कय् यंकिगु, सचिव सहसचिव पिन्ता थीथीनामय भत्ताया व्यवस्था याइगु अलय स्थानीय तहलय ल्यासे ल्याम्होपिन्ता ल्ववानापुसे च्वंगु सुविधातः क्यडः अपु नपां भेलय् पुकः अमिपु भक्त याइगु नपां

भीगु थःगु मौलिकता ज्ञान व सीपता धू याई । विकास निर्माणया ज्या याइबलय् ज्या खं गवाहाली याइगु श्रमदान भीगु न्हपा निसेंया परम्परा खः । उकिया पलि उपभोक्ता समिति च्वडः धेबा इडः नयगु मखुगु लाँपु ज्वंकगु दः । विरामी जूसा नेपाली वासः (आयूर्वेदिक वास) वा ल्वय लांकिगु उपचार विधि थजगु थःगु मौलिक उपचार विधिता धू हे याय् धुक्ल धःसां मपाय् धुक्ल । प्वा छ्वासुसा, भारा जूसा चि, चिनि व नाःया वास दयक त्वंकयगु पहः न्हूँ गु पुस्तां लुमांकः छ्वइन । थजगु फुक्क ज्याखय् सिय दयकः व सिय मदयकः एन.जि.ओ. व आइ एन.जि.ओ. तयगु लाहा दः ।

समाज कल्याण मन्त्रालयया काथं अःदाचिछ्या द्विष्ठि हिन्यसति गैर सरकारी संस्थात दर्ता यो वइगु । अजगु संस्थां छु छु लागाय् गज-गजगु ज्या साड च्वना धायगु खाँ राज्यं सिइकः तय मःगु खः । दाचिछ्या मुक्क १५ खर्ब ३० अर्बतका दां बजेट दःगु देशय थयं मथयं दाचिछ्या नेगु खर्ब तका बजेट एन.जि.ओ. खर्च याइगु ल्या चां नेपःया वाबुइँ द्वहसाँ द्वहैं वांगुथे विदेशीत द्वह वयो च्वंगु सिय दः । गुलि मन्त्रालयया अधिकारीपु थः अवकाश जुय धुकः परामर्शदाताखय् नियुक्ति बिङ्गु आशां विदेशी दलाली यो जुई । अः अपलं सचिव व सहसचिव अवकाश लिपा विदेशी एनजिओ व आइ एन जिओ तयसं छ्यलः वयो च्वंगु दः । अमिसं नेपःयायगु स्वयो विदेशी तयगु भिं ज्या याइगु, वहे मतिं हज्याइगु । उकिया लिच्वः हे ज्या मालयता ल्यासे ल्याम्होपु अपलं विदेशय्

## सचिष्ठव नीगृगृगु ख्वप पौ. बःखि पौ(पाक्षिक)

हिचःति हायक मवांसे मगात । अलय् नेपःया अर्थतन्त्र धू धू मधूजुल ।

छगू प्याहाँ वगु ल्याचा काथं छु क्यं धःसा दाता देशं परामर्शदाता, ठेकेदार, द्वहैं प्यहैं जुगु फुक्क याडः अनुदानया ७० निसे ८० प्रतिशत थः पिसंहे ज्वडः वानिगु । ल्यं दःगु जक लाभग्राही देशय् खर्च याइगु । उकिं एनजिओ व आइएनजिओ खय् ज्या सानिपु नेदाप्पदा लिपा हे करोडपति-अरबपति जुइगु । सरकार अजपुं मनूत वा पदाधिकारी पिनिगु सम्पति छानबिन याःसा अपलं धात्येंगु खाँ प्याहाँ वई ।

युगोस्लाभिया १९९० तक खय् छगू समाजवादी देश खः । आना अपलं जात जाति याय्पु च्वडः च्वंगु थाय् खः आना एन जि ओ व आइ एन जि ओ तप्यंक ज्या याडः हः सेलिं आना थाय् थासय् जातीय व क्षेत्रीय ल्वापु त जुयोवल । अलय् देश क्वचा क्वचा जुयो अः कोसोभो नपां न्हयगु स्वतन्त्र देश जुय् धुंकल ।

सोभियत संघय् सन १९५६ खय् संशोधन वादी नेता खुश्चेभं न्हयलुवायासेलिं बुलुहैं अन्तर्राष्ट्रिय लागाता खापा चायकः दुकायो हला । १९९१ तक खय् समाजवादी व्यवस्था क्वदयो पूँजीवाद पुनः स्थापना जुला । देश हिंडागु क्वचा खय् ब्वथला । थुकिं छु सियदः धःसा एन जिओ, आइएनजिओत दाताया ख्वःपा पुयो च्वंसां धात्यें अपुं राजनैतिक हस्तक्षेप वा देशय् उपनिवेश याय्गु सामाज्यवादी ज्या भः तः खः ।

विदेशं ग्वाहाली याता दक लयताय मःगु छु नं खाँ मरु । अपुं मालिक जुयो द्वहैं वई अलय् ग्वाहालीया नां बियो तःगु लाभग्राही देया जनताता क्वह्यंगु दोश्रो दर्जाया नागरिक काथं व्यवहार याई । लिपा वयो भारतया विदेशमन्त्री एस जय शड्कर वयो भारतं नेपालय

तप्यंक २० करोड खर्च याय् दैगु सम्भौता याता । वनं भारतं यागु छगु काथंया क्वत्यला (हस्तक्षेप) हे खः । बांलागु व भिंगु मतिं नेपः देता ग्वाहाली याय्गु स्वगु खःसा व धेबा नेपःया सरकारया खाताय् तयो बिय मःगु खः नेपःया सरकारं मःगु थासय खर्च याय् दयमगु खः । भारतं ल्यतु ल्ययो योजना स्वीकृत याइगु नेपःया बजेटय् खानय् मदैगु उगु धेबा नेपालय् भारतीय दलालत ब्वलांक्यता छ्यलिगु पक्का हे खः । नेपाली जनता नेपाल सरकारया मन्त्रालय, प्रदेशमन्त्रालय वा स्थानीय तहख्य वानिगु स्वयो नं भारतीय दूतावास वानिगु वातावरण खानय् दयो वल । वैगु दिनय् भीपुं मन्त्रीत व भारतीय राजदूतं मंकः उलेज्या यागु अपलं थाय् स्वय दै तिनि । गुगु नं सार्वभौम सत्तां जःगु देशय् अथे गुगु नं देशता स्वतन्त्र रूपं बजेट खर्च याक्यगु अधिकार दैमखु । विदेशीं थःग्रन्थे बजेट खर्च याय् दैगु छु नं देशया स्वतन्त्र हैसियत दैमखु । उगु सम्भौतां नेपालता भारतया उपनिवेश याय्गु अभिलेख नं धाय् छिं ।

सं. रा. अमेरिकां थुगु खाँस्यं स्पष्ट खानय् दः । उब्लेया अमेरिकी राष्ट्रपति ट्र्यूमेनया विदेशमन्त्री छथाय धःगु द., 'विदेशी ग्वाहाली भीगु सुरक्षा क्वच (न्या नं) खः । भीगु विदेश नीतिया अभिन्न अदुग खः । उकीं भीता मःगु क्वचा पदार्थ व मालसामानया खापा चाली नपां भीगु उत्पादनया लागिं न्हैगु बजार दयकी । (२३ असोज २०७८ मजदुर)

छु दा हाँ सं.रां. अमेरिकां इराक व लिबियाय् आक्रमण याता । आनाया चिकं थमनं लाकः काय्ता हे आना आक्रमण यागु खः । आक्रमण याय् हाँ अमेरिकां उगु देशय द्वलद्व एनजिओत पाखं ज्या सांकला । सेना दुनय वं गुप्तचरत नं दयकला । आखिर हलिमय दकलय अपः चिकं पिकाइगु मध्येया छगु देश इराक

अमेरिकी चिकं व्यापारी तयगु लाहातय् लः वान ।

नेपःया सरकार विदेशी ग्वाहाली दैगु नामय् हनय् लाथें एन.जि.ओ दर्ता याइगु ज्या पानय् मः । गुलि नं विदेशी ग्वाहाली वैगु खः व सरकारी लुखां हे पिता वियमः, मखुसा नेपः दे नेपःमि पिनिगु जुयो च्वनि मखु ।

ख्वप नगरपालिकां सायद वहे खाँयाता थुइकः जुई आना विदेशी धेबां न्ह्याइगु एन.जि.ओ, आइ एन जि ओ तय्ता काचाक्क, अः पुक स्वीकृत ब्यूगु मरु । २०७२ सालया तः भवखाचा लिपा नेपालया सरकार व जर्मनी विकास बैद्यक (के एफ डब्लू) या दश्वी ख्वपया सम्पदात ल्हवनय कानय् व दानय्गुया नितिं १ अर्ब २० करोड तका दां (१ करोड यूरो) ग्वाहालीया सम्भौता जुगु खः । उगु सम्भौता नेपःया स्वाभिमानय् हे धःलाइगु खाँत च्वयो तःगु धायो ख्वप नगरपालिकां अस्वीकार याडः मकः । उगु इलय् ख्वप नगरपालिकाता अपलं विरोध नं मयागु मखु । ख्वप नगरपालिकाया जनप्रतिनिधिपिसं फुक्क धाय्थें सम्पदात नगरबासीपिनिगु ग्वाहाली कायो ज्या क्वचायकः हःसेलिं अः चाकभनं थुकिता बांला धायो च्वंगु दः । थव छगु थःगु तुतिख्य दानय्गुया बांलागु दसु जुयो ब्यूगु दः, थौं ख्वप दे । उकीं ख्वप नगरपालिका देयाय् हे नमूना नगरपालिका जुयता तः लागु दः । नगरबासीपिसं गर्व याय्गु थाय् नं दत ।

शिक्षा, स्वास्थ्य, विकास निर्माण, सम्पदा ल्यंकः म्वाकः तय्ता धायो अः अपलं एनजिओत ख्वप नगरपालिकाय् वयो च्वंगु अथेनं ख्वप नगरपालिकां मकःगु खाँत जनप्रतिनिधिपिसं धायो च्वंगु दः । ख्वपया उगु अडान पाखं नेपःया सरकारं नं ध्यान बियफःसा नेपःमि पिन्के थःगु तुतिख्य दानय् मः धाय्गु चेतनाया मता च्याइगु खैला ।

सचिष्ठ नीगृगृगु खप पौ, बःषि पौ(पाक्षिक)

## जिगु नारा मदुगु जुलुसय् जि

पूर्ण वैद्य

भौप्वाः चां त्याः त्याः कुँ पिहां वः थें  
छगू जुलुस पिहां वयाच्चन  
तंया वालं खुयातः गु तिंथ्यः या लुखां

छगू जुलुस ताना हयाच्चन दिवसया चतनं  
पित्याः गु थव देय्या देमाय्  
महानता ! ऐतिहासिकता !  
भवाभः गु खँबत्ताया न्वकु कापतं पर्कातः गु दिवस  
खसुया नवं नयाः जः सिथं यंकाच्चंगु ई थव  
ख्यूं क्यान्सरं चातः चातः हवगना: वनाच्चंगु दिवसम्  
महानता पर्का हयाच्चन  
धवगीगु आस्थाया माजां चंगु सुकां पर्कातः गु महानता  
इतिहासया हि नवः गु ऐतिहासिकता !  
नस्वाः या अर्थ्य  
वाकुछिना नवः गु भोगय् यानाच्चना जिं नस्वाः धकाः !  
महानताया अर्थ्य

क्रूर नीचताया कोर्दा नयाच्चना जिं  
मेचय् नकिं ताका वयाच्चना जि द्वं बिद्वं म्वायेका ।  
ऐतिहासिक दिवसया बुथ बुथं न्हयाः, सलं सलं न्हयाः  
बांबालाः गु मोटरं क्यला: सीगु जिगु इतिहास थव लँय्  
स्याः गु जिगु नारा जिके  
थव थासय् लखं लख मनूया ख्वा: कुतुंवंगु दु  
लाखाँ मनूया छ्यं कुतुंवंगु दु

मनूय् तुगलय् च्वंगु सत्ययात  
बन्दुकं इवाइवा तियाः सुखू खनाः  
लाखाँ मस्तय् तुति पंम्हगु दु  
इयातुगु बुथ आपा न्हयाः न्हयाः  
जि नं ताना: वांछ्वया हयाच्चन दिवसया चतनं  
थव है जुलुसय् मौन सनां वः म्ह थे  
गन जिगु नारा लिकया: वांछ्वयातः गु दु  
ल्ययाः ल्ययाः, यांका यांका हाकुगु ख्वालं  
जिगु नारा सदुगु जुलुसय् जि, जिगु लैं मदुगु लैं जि  
संगीनय् तियाहः गु छ्यं  
जि औपचारिकतां कानाः सिनाच्चंगु जि  
थः गु देय् नारा मदुगु छगू जुलुसय्

सोकतं नारा भाषणत कथुइ व्याकं  
तर पित्याः पिं ज्यामि, भरियात भवय् नयेथे  
लंया निगू सी इवः इवः छुना  
बी थे वयाच्चंगु जुलुस नयाच्चन  
नारा त्वनाच्चन श्वै त्वने थे लथ्य जुयाः  
हथाय् हथाय्सं दयेकाहः गु मथुगु जुलुस  
मोटर मोटरं ल्हययाहः गु कचिगु जुलुसया  
अपच नारा भाषणं  
क्वाः धक्काः तयाच्चन स्तुति जक हवास्स हवास्स नवयेकाः  
कुपथ्य थव पिशाच जुलुसं

हवारा हवारा लैं दुच्छ दुच्छ ल्हवया हयाच्चन  
कार्यालय, कार्यालयया मेच, बेञ्च  
डीनर प्लेटय् च्वंगु चम्चा, स्यान्नी, कॉता  
कथुइ मन्हयंगु ला श्वै थे थथाय्धंगु तक्मा !  
वां प्वं दायाः नं  
खिति नवः गु चाघः चा जक जुयाः नं  
त्वपुलि वांछ्वये मफुपि ज्यामि भरियात  
खाइक चिसवाः जक वः गु भाषणया क्वैय्  
चुचुप्यानाः सन्तोष प्ययाच्चन  
सह्य सन्तोषं जीवनय् धाः खं जक जौगु चरित्र  
रेडिमेड मनूया वाउँभत्तुत, वाउँभत्तुया मनूत हाला वयाच्चन  
फसं हवाः गु थः गु तपूलि कपालय् क्वच्युच्युं  
अन्ध-श्रद्धाया अन्ध परम्पराया जय धवनि इन्कलाब ल्वः मंका:  
स्थापित परम्पराया छगू जुलुस ।  
शहीदया नुगः पाय् कः गु गोली, तुपः नं  
शहीद जुयाः पूजा कायेफुगु थव बासय्  
जि कोलाहल बैचेन पुचः मुनाः सिमेण्ट धी जुयाच्चंगु मौनता  
जि थः है म्हच्छिं छगू जुलुस, जुलुस नाप व्यागः  
जुलुसया दथूं दथूं याकः चा न्यासि वयाच्चंगु जुलुस  
जि छम्हं छगू जुलुस याकः चा जुलुस ?  
खः जि याकः चा है छगू जुलुस भयंकर जुलुसया पू ।  
तज्याये न्हयः दुनें दुनें क्वाना वयाच्चंगु बम थे  
जुलुस छगू जुलुस  
नारा है छगू नारा  
राके जुया वयाच्चन खारे जुजु जिके  
छगू जुलुस खाना वयाच्चन

## सचिष्ठव नीगुगृगु ख्वप पौ. बःष्टि पौ(पाद्धिक)

जि दुने अव्यक्त  
पिने मौनया व्यक्त  
जिगु जुलुस थौं देयःष्टि बानाच्चवन  
हवगंगु फल्चाय्  
दुंग सतः, फल्चाय्  
बुँया पक्व पक्वचाय्  
चिच्चाः मिच्चाः दनाः तातापाक  
जिगु पोष्टर  
ह्याउँगु धवाँय् मुस्याः  
असंया देगलय् कू पिया: च्यःख्या: यानाच्चवन  
न्हू सतकया ख्वाउँ थ्यूगु पेती महगस सिनाच्चवन  
गाडा घ्वाच्वां युग ल्याच्चवन

ल्वहं तछ्यातछ्यां पतिंचां हि ल्हवयाच्चवन  
जिं नारा ल्हय्या: वयाच्चवना  
जिसिगु हिइगु नुगःया धुकधुकिं जिगु धुकधुकिं  
मिखा ल्हवयाच्चवंगु पीडाया मिं  
ह्याउँसे ह्याउँसे छ्वम्ह्या: तज्याइथें  
जिके नारा सयाच्चवन  
मिं थियेवं छथयुं छ्वम्ह्या वइगु गोलीया धारा थें  
कन्हय्या छगू धोषया थें  
छगू जुलुस  
जिगु कविता  
खः जिगु कविता  
छगू नारा ।

(लबु ६:१६:१०९९)

## मनू

- शकुञ्जतला महर्जन

मनू थव हलिंया सर्वश्रेष्ठ प्राणी खः  
थव बैज्ञानिक युगया आविष्कार  
नापं थव प्राकृतिक स्रोतया विनास  
दक्व दक्व मनूया हे देन खः  
सःस्यु म्हेसिनं निर्बलयात  
क्वतिलेगु स्वइ, क्वतिलाच्चवनी  
थःगु विचाःयात नहने हइ  
उकिया लिउं लिउं जुइत धाइ  
सम्प्रदाय व्वःलंका  
जातिया नां बिइ  
राष्ट्र या नां बिइ  
नियम कानून दय्की  
उकियात धर्मया नां बिइ  
धारण या धाइ  
पालन या धाइ  
ख्यानाः तइ

थुकथं थः यात हे द्यः दयेका  
शासन याइ, शोषण याइ  
थःगु साम्राज्य ब्लंका तय्त स्वइ  
साम्राज्यवाद नीतिया लिच्चवः  
ब्लाम्हेसिया सः तः सः जुइ

अर्थ नीति वयागु ल्हातय् दइ  
राजनिती वं धा:थें जुइ  
वया कथं संस्कार न्यना वनी  
कमजोरया सः सुनाः ताइ मखु  
वया उपस्थिति सुनाः वा चाई मखु  
  
थवहे इवलय्  
म्वाय्गु निति, अस्तित्वया निति  
मनु तय्गु दथुइ  
संघष जुइ  
क्रान्तिया निति बिद्रोहया सः थवइ  
दुपिन्स शस्त्र अस्त्र छ्यला थःत म्वाकातइ  
मदुपिन्सं थःगु ज्यान पाई  
थन मनू हे भिं  
मनू हे मभिं  
वया कर्म हे  
वया स्थितया लिच्चवः जुइ  
उकि मदू थन द्यः  
जुइमखु थन छुं चमत्कार  
यदि दुगु खसाः द्यः थन  
थुलिमच्छी नंरसंहार छाय् जुइ  
द्यःया अवतार वइगु खःसा

ग्रह नक्षत्र तालाय् मागु खःसाः  
गबलय् ताः लाई  
  
मनूया जन्म स्वतन्त्र रूपं जुइ  
प्राकृतिया स्रोत साधनया उपभोग  
मनूया अधिकार खः  
नापं थुकिया संरक्षण  
वया कर्म खः  
मनूया जन्म जूगु राष्ट्र व राष्ट्रियतां  
मनूयात चिनाः तइ  
थवहे द्वन्द्या कारण जुयावि  
ज्ञान विज्ञान हे ल्वापुया ज्वलं जुयावि  
छुकिया निति द्वन्द्य याय्मागु खः  
छुकिया निति धेंधें बल्ला खः  
हरेकया थःगु मु दु ,  
हरेकया थःगु क्षमता दु

थव जगत सकल प्राणीया खः  
स्वतन्त्र रूपं जन्म जुथें  
स्वतन्त्र रूपं म्वानाः  
स्वतन्त्र रूपं मोक्ष प्राप्ति हे  
थव चराचर जगतया नियम खः

## स्व. फतेबहादुर सिंह : विद्रोहया प्रतीक

प्रा. माणिकलाल श्रेष्ठ

नेपालभाषा पत्रिकाया संस्थापक, प्रकाशक व प्रधान सम्पादक फतेबहादुर सिंह वंग २०४० जेठ २१ गते (१९८३ जून ४) कुनू मदुगु समाचारं सकल नेपालीतयत् व खास याना नेपालभाषाभाषी जनतां तसकं तुगः मछिंगू दु । वय्कः राणाया विरुद्ध नेपाली जनतायात प्रजातान्त्रिक संघर्षया छम्ह अडिग योद्धा, नेपालभाषाया तःधम्ह भाषासेवी व कवि, अले नांदम्ह पत्रकार नं खः ।

नेपालया मल्लकालीन इतिहासय् राजपुत्र वीर सिंह धयाम्ह छम्ह प्रसिद्ध व्यक्ति दु । वय्कः वीर सिंह खपया जुनु रणजीत मल्लं ‘महावीर सिंह’या उपाधि बियातःम्ह यैँ या जुनु जयप्रकाश मल्लया दरबारय् जुनुया दकले विश्वासीम्ह मन्त्री व सेनापति नं खः । लिपा पृथ्वीनारायण शाहया उपत्यकाय् आक्रमणय् सिनामुगलय् ज्ञगु प्रसिद्ध लडाइस खप व यैँ या संयुक्त फौजया कमान याना ल्वाःम्ह वीर सिंह थः काय्पिं प्यम्हलिसें व हे लडाइलय् सीगु खं इतिहासय् दु । वीरसिंह सीबलय् प्वाथय् दुम्ह वया दकले चिधीम्ह कलाया छुं दिन लिपा काय् बुल । वीर सिंहया तप्यंक न्यागू पुस्ताया सन्तान फतेबहादुर सिंह खः ।

राजनीति, समाज सेवा, शिक्षा, भाषा साहित्य पत्रकारिता आपालं क्षेत्रय् योगदान दुम्ह फतेबहादुर सिंहया संघर्ष जाःगु जीवन भीसं दकले प्रेरणा कायेबहःगु खं वय्कःया गबले क्वमछुइगु, मयःगुया विरुद्ध मरयासे विद्रोह यायेगु बानी खः ।

राणा-शासनया इलय् सार्वजनिक शिक्षा प्रचार यायेगु हे सरकार विरोधी ज्या धाइगु स्कूल चायेकेगु हे भयङ्कर राजद्रोह धाइगु इलय सरकारं गंकांक वय्कःया किजा शहीद चिनियालाल सिंह नापं जाना: महावीर स्कूल चायेकादिल, नेपालय्

प्रजातान्त्रिक संघर्षया इतिहासय् थव स्कूल अमर जुयावन ।

उगु हे इलय् नेपालभाषाय् छम्ह निम्ह युवक लेखकपिनि छगू निगू कविता व काव्यकृति पिहाँ वयेवं राणा सरकारं नेपालभाषां छुं प्रकाश यायेगु हे प्रतिवन्ध तयाबिल । आपालं मनूत ग्याना लिचिल । उगु इलय् राणाया आदेशयात चुनौति बियाः ‘नेपाली बिहार’ या नामं नेपालभाषाया कविता मुक्ताः थःगु कविता नं दुथ्याकाः भारतय् बना छाप्य् याना नेपा: हल, राणा सरकार गंक गंक पंक पंक हे व्यापक प्रचार यत । ‘वय्कःया राजनैतिक स्वापु, अटेर जुयाः स्कूल चायेकूलिङ्ग सहयोग व्यूगु व सफू पिकाःगु द्वपनय् वय्कःयात सर्वस्व लाका जन्मकाःछिं कैदया सजाय बिल ।

अन्तर्राष्ट्रिय गतिविधि व देशया स्थिति हिलेवं राणा सरकारं छु भति राजबन्दीत २००२ सालं त्वःतुवलय् वय्कः नं जेल पिहाँ भाल । जेलं पिहाँ वयेवं उगु स्थितिङ्ग छुं रचनात्मक ज्या यायेगु विचारं तसकं लिपा लानाच्वर्पिं हलचोकया दुइँतय् मचातय्त आखः स्यनेगु व दुइँतयत लजगाया ज्या स्यनेत अन हे वना स्कूल दयेका ४ दँतक ज्या यानादिल ।

नेपालभाषायात महीपिं देशया मेमेगु भाषायात क्वत्यलेत सनीपिं भाषा-अहंकारवादी व जातीवादी-प्रतिक्रियावादीतय्सं नेपालभाषायात चुनौती सार्वजनिक रूपं बिया पिहाँ वःगु स्थिति वःगु ई वि.सं. २०१२ खः । उदाहरणकथं उबलय् पूर्णप्रसाद ब्राम्हण व बालकृष्ण सम ‘नेवार भाषा’ (नेपालभाषा) या प्रचार देशयात खतरा धकाः जातीवादी विष प्वकातःगु पर्चा प्रकाशन खः । थुकियात ल्वापुकथं मखु, रचनात्मककथं हे उकियात लिसः बिडित वय्कलं ‘नेपालभाषा पत्रिका’

न्हिपौ स्वनादिल, थःगु जीवनया अन्तिम दिनतक हे पत्रिकाया माध्यमं मां-भाय्या सेवा व नेपालभाषाभाषी जनताया जातीय हक कायेत संघर्ष याना च्वनादिल । देशया फुक्क जातीया जनताया उतिं हे हक दु धयागु प्रजातान्त्रिक आदर्श हे वय्कःया पत्रकारिताया मूल सिद्धान्त जुयाच्वन ।

२०१७ सालया परिवर्तनय् न वय्कःयात सुरक्षा ऐन अन्तर्गत ज्वना छुं इ जेलय् कुन ।

राणा-शासनकालय् शासकतय्सं वय्कःयात नेपालभाषा धकाः हालाच्वनेमते, सकसियां छगू भाय् घय्पुना छवयेमा: धाःबलय् वय्कलं ‘क्वर्खं क्वःया सः पिकाइ, बखुं थें हाली मखु, मनुखु नं थः थः भाय् त्वःती मखु’ धकाः तप्यंक लिसः व्यूगु खः ।

२००७ साल लिपा नं वय्कलं पासापिं ‘मनुया थःथः बिचार पाइ, मेगु हे खँ, तर थः बिचारय् अडिग ज्ञ, छुं दवाब खनाः नं ग्याये मज्यू’ धकाः तक धाःगु न्यनेदु ।

२०१७ साल लिपा जेलय् नापं लाःपिं व जेलं पिने नापं ज्या याःपिं वय्कःया सहयोगीपिं बारम्बार न्वाना धाइगु वय्कःया नारा खः -

‘छ्यं ध्यंका च्वने माःसां छ्यं क्वछुके मज्यू ।’

विभिन्न विषय वय्कःया छु मत दु, वय्कःया विचारधारा छु धयागु खं मेगु हे, तर थःमनं मानय् याये मफुगु ख्यू न्हयागु शक्ति खनाः नं मग्यासें अटेर जुया ल्वायेगु वा defy यायेगु वय्कःया भावना, वय्कलं थःगु जीवनया व्यवहारय् हे सिद्ध यानाक्यंगु वयक्या थव भावनां भीगु न्हयःने विद्रोहया प्रतीक्या रूपय् फतेबहादुर सिंहजु म्वानाच्वनी ।

## इमानदारिता व नैतिकता गनावाना ?

### कुशल

निं ह बायंति वानय् धुकल ।  
वडाकार्यालय उलि मनूत वगु मरु ।  
नगरपालिकाया ख्वःपौ ‘भक्तपुर’ लय पौ  
ब्वडः च्वडा । लय पौ पूइकेतिनि छु  
लाता, छम्हा सेवाग्राही भाल । वयकता  
दिसें धायवं ज्वज्वलपा धायो राजकुमार  
दुवाल (छुडागु नां) सोफाय फेतुडः दिल ।  
वयक व जि कलेजय नपां ब्वडापुं छुं न  
नपां जूगुलिं मचात बलय् निसें पासा ।  
त्वः छगुं तुं जूसां बडा धःसा पा । वयक  
सरकारी हेत्थपोष्टया जागिर दःम्हा नपां  
वास पसः (फार्मेसी) तयो च्वम्हा खः ।  
जिं कार्यालय सहयोगीता चिया हयोब्यू धायो  
वडाय् छु खाय॑ भायागु थें जक न्यडा ।

खयां म्हेगः म्हिग हे वयगु मति  
दःगु, सुथाय् नं वयला मवयला जुयो च्वंगु  
अः यां अति हे जूगुलिं उजुरी ज्वड वयागु ।  
जिगु छुं वास पसः छिं सिहे स्यू । जिगु  
छुंया पूर्वपाखय् च्वम्हा जलाखालां पिच लाँ  
त्यलः मापदण्ड मानय् मयासिं, नक्सा पास  
मयासिं न्या धलिं ख्यल टहरा दय्क च्वंगु  
खाँ छिं स्यूला मस्यूला ? जिमिता म्याद नं  
मब्यू । अथे नक्सा मतः सिं नगरकोट पिच  
लाँ त्यलः न्या धलिं ख्यलः टहरा दय्कानं  
बडा कार्यालय, नगरपालिका मखां छुडः  
च्वनय्गु ला ? टहरा दय्कगु खानी दक तः  
क्वगु पालं लाय॑ दखय् तपुयो तःगु दः ।  
धात्थें नक्सा पास याडः दय्कगु खःसा पालं  
तपुयो चान्हय॑ -चान्हय॑ ज्या याय् मः ला ।  
वडाध्यक्ष जूं सिहे मस्यू थें च्वं । बडा  
कार्यालयया मिखा हः नयसं च्वंगु लाँ त्यल  
नं छिकपुं मखां छुडः च्वनय्गुला ? मेमेगु  
पालिकां भताभत मापदण्डय् लागु संरचनात  
थुडः हःगु इलय् भर्तीथाय् छाय् सुंकः च्वडः

च्वना । छिकपिन्ता भोत बियो त्याकागु  
थथे यासां सुंकः च्वनयता खः ला ? खः याँ  
चासो मतःसां ज्यूगु खः । अथेन छम्हा  
सचेत नागरिकया नातां धः वया । खयां  
च्वयो हे उजुरी याय् दक वयागु खः । अः  
छिं स्वयो गथे याय् माला अथे याडः दिसें ।

सामान्य नागरिकपिसं मयाइगु  
ज्या जोखिम मतः सिं बडा कार्यालय व  
नगरपालिका ता धःवगुलिं वयकया हः नय  
हे बडा निरीक्षकता फोन याडा । बडा  
निरीक्षकं नक्सा मतःसिं दय्कगु टहरा  
रोक्य् यो दक जानकारी बिय धुंगु खाँ  
धाल । नपां वयकलं जगगावाला हरिकुमार  
अवाल (छुडागु नां) टहरा दयकम्हा पूण्य  
सुवाल (छुडागु नां) दक धायोदिल । जिं  
नेम्हा सियाय्गु मोबाइल नं. छ्वयो निं  
धायो फोन तयो बिया । अलय जिं  
राजकुमारता बडा निरीक्षकं जानकारी  
ब्यूगु खाँ काँ कां हकनं ज्या न्ह्याकसा  
जिता छक फोनं धायो दिसें । टहरा दयकपुं  
नं म्हासियाम्हा जूगुलिं बडाय् सःतः खाँ  
ल्हाय धायो वयकता विदा बियो छ्वया

कन्हे खुनुं हकनं राजकुमार दुवाल  
जुं फोन याडः ज्या मदिसें साडः च्वंगु खाँ  
काडः दिल । अलय बडा निरीक्षकता  
धाया बलय ज्या दिय धुंकगु धाल । थथे  
नेथाय् नं नेताजि खाँ वसेलिं जि थः हे  
आना वाडः स्वः वाडा । आना नेम्हा  
ज्यामित पालं किकः ज्या याडः च्वंगु खानय्  
वं तुरुन्त फिल्डय वा जक कडा बचं तयानि  
निरीक्षक तुरुन्त आना थ्यंकः वल । जिं  
ज्या साडः च्वंगु क्यडः छाय मखुगु खाँ  
ल्हाडागु धाया बलय् निरीक्षकं न्हचः सुथाय  
स्वः वया बलय् सुं मरु जिं मखुगु खाँ

ल्हाडागु मखु धायो लिसः बिल । अलय्  
जिं तुरुन्त बुँ थुवः व टहरा दयकम्हा पूण्यता  
फोन याडः तुरुन्त बडाय् वा धाया ।

अलय् जिपु बडाय् वाडा । उब्ले  
टहरा दयकम्हा भाइ नं थ्यंक वल । अलय्  
जिं नेता जाय्क नक्सा मतसिं पक्की टहरा  
दय्क लाँ त्यलः टहरा दयकला दक उजुरी  
दः अथे छाय् याडागु धाया बलय् पूण्य  
चिच्या हांगु टहरा छगू जक दयकागु ।  
नक्सा तय्मः धाय्गु मसिया , अलय् लाँ  
त्यलागु नं मखु । त्यःसा पोल ल्हययो बिय,  
नक्सां नं मःसा तय, ज्या छता मपासिं  
हज्याकय् दःसा ज्यू दक धाला ।

ज्या याय् धुंकः मापदण्ड त्यल  
तःगु जूसा अपः नोक्सान जुई । अकिं नक्सा  
निं तयो पास याडानि तिनी ज्या न्ह्याकी  
जक जिं व निरीक्षकं धाय् धुंक अपुं विदा  
कायो वान । बुँ थुवः धःसा मवः ।

बडाय् उलि धायो छ्वया नं ज्या  
साडं तुं च्वना धाय्गु सूचं वल । वनलिं  
टहरा दयक च्वम्हा व बुँ थुवः ता टहरा  
स्यंकीगु जुल दक खबर छ्वया । अथेन  
ज्या मदिकसे याडः च्वना जक सूचंवल ।  
अलय् बडा निरीक्षकता टहरा थुड ब्यू दक  
कडाबचं ल्हाडा । अलय् बडा निरीक्षकं  
नगरपालिकाया च्याम्हा हिम्हा पासापुं नपां  
ब्वडः यंकः तः क्वगु पाल खुडः पोल व  
सामानत जफत याडः ज्यामितय्ता ज्या  
सानय् मते धायो कडा निर्दशा बियो तकल ।

जिं टहरा स्यंकय्गु ज्या याकसां  
फुक्क टहरा मथुनि । उक्की बुँ थुवः व  
टहरा दाम्हा नेम्हा सातिखुन जिगु छुं वला ।

बुँ थुवः मिसाम्हा जुयो च्वना वं  
छिता जिपुं फुक्कसिन भोट बियो त्याकागु

## सचिद्व नीगुगृगु ख्वप पौ. बःष्टि पौ(पाक्षिक)

खः । जिमिता चिच्याहांगु टहरा छगू दयकाबलय् थुलि कडा याय् मःगु ला ? जिं यां टहरा दयकगु नं मसिया । जिमिसं द्वंकय् लात । अः नक्सानं तय ज्या नं दिकय् । हकनं कर्मचारीत छ्वयो हयो थुकय् मते । जिमी जहानम्हा विरामी जूगुलिं भाय मफः उकीं जि वयागु जक बुं थुवं धाल ।

टहरा दयकम्हा सिनं नं नक्सा दयके धुन । अःमथां पास याय् । ज्या नं दिकय् । जिमिगु गल्ती जुल । अः कर्मचारीत छ्वयो हयो थुक दिय मते धाल ।

अखुनुं नं ज्या दिकय् धायो वाडागु मखुला ? म्हूतया बचं, इमानदारिता नैतिकता गना वाना ? बडाध्यक्षता मखुगु खाँ ल्हाय् गु ला ? उकीं छिकपिन्ता विश्वास याय् थाकुल । भोटबियवं हे ज्यूगुं मज्यूगुं सहमती विय फैमखु । थथे मापदण्ड त्यलः ज्या सानिपिन्गु भोट जिता म्वः लिता यंकी । थथे हे याय् गु जूसा लिपा जिता भोट ति जक जिं धाय् मखु । अलय् जिगु वडाय् जिं मापदण्ड त्यय्कः ज्या सांकय् मखु । जनताया मत मखुगु - मज्यूगु ज्या याय् ता मखु खःगु व भिंगु ज्या याय् ता खः । मापदण्ड त्यलः जुइपिंगु भोट कायो त्याकागु खःसा जिता दुःख लगाय् जु । भी कय् नैतिकता व इमानदारिता मरुसा सुयाता गथे विश्वास याय् गु ।

वनलिं बुं थुव व टहरा दयकम्हा मिलय् जुयो ज्या दिकः नक्सा नं तला । वनलिं राजकुमार दुवालं फोन याडः मदिल । छुं दिन लिपा नगरपालिकाय् नक्सा दर्ता याडः वडा कार्यालय नक्सा छोयो हल । जिं नं नियमानुसार सहियाडः चार किल्लाय पिन्ता म्याद बिया । म्याद फुय धुडानिं नाप जाँच । सर्जमिन नं जुल । नाप जाँच व सर्जमिन याका बलय् ३ फूटति लाँ त्यलः तःगु खानय्

दत । वनलिं लायঁ थाडः तःगु पोलत लिमकः तलय् सर्जमिन याय् धुंसां फाइल हमछ्याय् गु प्राविधिकं धायो दिल । वहे खाँ जिं बुं थुव व टहरा दयकम्हा सिता धाया । वनलिं बुं थुवः या काय् या फोन वयों तुं च्वन । नपालाय् माला दक ई फवना टहरा दयकम्हा पूण्य व वाय् पासापिन्गु नं फोन वल । वडाय वयो नं छलफल यो वल । निर्वाचित समिति नं अपलं छलफल जुला । जनप्रतिनिधि पासापिसं लाँ त्यल तःगु पोल मचिङ्क तलय् ज्या हमछ्याय् गु सल्लाह व्यू काथं उकिया ज्या फुक बन्द याकय् बिया ।

नगरपालिकां लाँ त्यःगुलिं टहरा दयके मब्यूगु खाँ ब्यबय जुल । गुलिसिनं लाँ त्यल तःगु स्यू सेलिं टहरा फुक थुय मःगु जक नं धःपु दत । गुलि सिनं टहरा दांकय् बिय हे मज्यूगु खाँ नं प्याहाँ वल । बुं थुवः व टहरा दयकम्हासिनं थमनं भोट बियो त्याकाम्हा बडाध्यक्षं चिच्याहांगु छगू खायै हे फाइल रोकय् यागु अलय् वडा समितिया खाँ न्यडः ज्या रोकय् याडः नक्सा पास याय् दक वयानि फाइल पानय् मज्यूगु खाँ नं प्याहाँ वल । अलय् बुं थुवः हरिकुमार अवाल वडाय भाला । वयक बिरामी जुयो च्वंम्हा खनिं । अथेनं मफूं मफूं वडाय् भाल । वयकता जिं बांलाक हे म्हासिया । वयक छगू इलय् सामाजिक व राजनितिक रूप तस्कं लिइ मलाक ज्या साडः द्यूम्हा नं खः । नगरपालिका व पार्टीता ग्वाहाली याइम्हा नं खः । कायम्हा नं वडाय् भाल । कायम्हा छकः नपां ब्वडाम्हा पासा जुयो च्वना । अमिसं थः थः गु मिखालं खाँ थे थःगु बिचः प्वंकल ।

हरिकुमारं धायो दिल - छिगु खाँ न्यडः नक्सा तया, ज्या दिका, पुर्जा काय् ता नं लाडः च्वडा । चार किल्लाय् कीताय् ता पिडः च्वडा, सर्जमिन याय् ता पिडः च्वडा ।

अः ग्वन्ह पिडः च्वनय् गु । खः जिं नक्सा मतःसिं ज्या न्ह्याकय् मज्यूगु । अलय् गल्ती महशुस याडः अः नक्सा प्रक्रिया खय् वया । छिता भोत बियागु थुकिया लागि खःला ? कः जिगु टहरां लाँ ३ फिट त्यल धःसा लिपा स्थायी निर्माण यायबलय् टहरा हटय याडः मापदण्ड काथं याय् दकः अः ख्वँ याय् । गल्ती जूला दक धाय धुकः अः नक्सा तयागु अलय ज्या हे पानय् धाय् गु दैला ? नगरपालिकाय् गजगु कडा नियम ? जिमिसं भोट बियो त्याकापु जनप्रतिनिधिपुं जनताता ग्वाहाली याइपुं लाकी दुःख बिङ्पुं ?

वडा कार्यालय मेपुं सेवाग्राहीत नं भायो च्वंगु दः । वयक नपां ताः हाक अलय् गहन छलफल याडः च्वनय् गु ई मरु । मेपुं सेवाग्राहीत हाल हलः । उकीं हरिकुमार या खाँ छखय् तयो छकलं लिसः बिया । थाना सेवाग्राहीपुं यक्व दः । छिं भोट बियो द्यूगु नं खः । छिकाय् जि नपां ब्वंडाम्हा पासा नं खः । अभ चन्दा नं व्यूगु खः । छिं गल्ती जूल धायो ख्वँ याय् धायो द्यूगु नं खः । अलय् सार्वजनिक पिच लाँ त्यय्कः जिं नक्साया फाइलय् सही याय् मज्यू थव जुय नं फैमखु । उकीं लाँ त्यल तःगु पोलत चिङ्कः वडा निरक्षिकता क्यडः दिसँ । वयकं पोल चिङ्कल धाय् गु च्वयो रिपोर्ट बिलकी नक्साया ज्या हज्याई । अः छिकपुं भासँ जिता मेगु ज्या याकय् व्यू धायानि वयकपुं विदावारी फवडः भाल ।

जिगु कडा बचं न्यडः खःला वा मेगु छुकिं खः छुं दिन लिपा पोल चिङ्कल धाय् गु लिखित प्रतिवेदन वल । वनलिपा प्राविधिकं व जिं सहिष्ठाप याडः बिया । न्यन्ह प्यन्ह लिपा हे नक्सा पास जूगु खाँ निरीक्षकं धायो दिल । अलय् ज्या नं न्ह्याकय् खाँ कान । अः टहराय् पसः तयो तःगु खानय् दः ।

## खप नगरपालिकाया ज्या भवः त

### ‘श्रमता सम्मान राष्ट्रया अभियान’ प्रवचन

फागुन १४ गते



खप नगरपालिकाया गवालय प्रधानमन्त्री रोजगार ज्याइवः दुनया ‘श्रमता सम्मान राष्ट्रया अभियान’ विषयया प्रवचन ज्या इवः सोमवार क्वचाल ।

ज्याइवः सं नगर प्रमुख सुनिल प्रजापति जु ज्यामयासें छु नं लागा हछ्याय मफैगु खाँ व्याकसे न्ह्यागुनं सीप विकास ज्या न्ह्याकानि तिनि जुइगु नपां ज्या मसांसे गुगुनं समाज हज्याय फैमखु धायो दिल ।

सु छम्हा व्यक्ति वा समाज थःगुतिखय् दानय् फय्केता ज्याया लिधंसा मकःसें मगा धायो दिसे वयकलं श्रमता सम्मान याय् ज्या ब्वनय्कुथि तगिंलय् निसें हे स्य॑ स्य॑ यंक्यम् धायो दिल ।

### खप नगरपालिकाया कराँते डोजो अनुशासित टिम

फागुन १४ गते

यल, प्रयाग पुखु डोजो यलया गवालय जुगु नेकगु स्वनिगःव्यागु कराँते धिंधिंबल्ला कासा आइतवार क्वचाल ।

फागुन १२ व १३ गते मद्गल बजार कोट्य जुगु उगु धिंधिंबल्लासं खप नगरपालिकाया कराँते डोजोता अनुशासित टिम क्वः छ्यूगु खः ।

उगु कासासं खप नगरपालिकाया साहस तामाड काटा विधाय् ल्यूया ल्यू लागु खः । कुमितं विधासं मिसामचाख्य्

छु नं देश हज्याय फःगु व मफःगु या हुनि उगु देशया नागारिकपिसं याइगु ज्या, मेहनतं नं सिय दैगु खाँ काडः दिसे वयकलं विकसित देश श्रमता सम्मान याइगुलिं थौं कन्हे अजगु देशत मथांमथां हज्याडः वांगु खः धायोदिल ।

समाजय् ह्यूपा ह्यूगु तहांगु लिधंसा शिक्षा ज्ञुलीं वयकलं समाजय् ह्यूपा ह्यूता मिसामस्त्यू तः हांगु लाहा दैगु खाँ काडः दिल । अलय् व्यक्तित्व ब्वलांकः हज्याकः यंक्यूता मिसात- मिजंतय्ता उथिंतुं मौका बिय मःगु खाँ व्याकसे वयकलं महिला शिक्षां महिलातय्ता याइगु विभेद मदय्केता गवाहाली यागु खाँ काडः दिल ।

ज्या इवःसं वडा नं ७ या वडाध्यक्ष उकेश क्वां जुं ज्यासाडः नैपुं ज्यापुज्यामि तय्ता क्वह्यंकिगु राजनैतिक व्यवस्थां जनताया आर्थिकस्तर भन भन क्वम्ह्यो वाडः च्वांगु खाँ कुल दिसे समाजवादी व्यवस्थाजंक ज्यासाड नै ज्यापु ज्यामितय्गु भिं याइगु खाँ काडः दिल ।

अथेहे खप नगरपालिकामा प्रमुख प्रशासकीय अधिकूत वसन्त भट्टराई जुं प्रधानमन्त्री रोजगार ज्या इवः या महत्व व उद्देश्य काडः दिसे सार्वजनिक ज्या ता थःगु भः पियो धायागु इलय् हे ज्या क्वचाय्केमः धायो दिल ।

उगु ज्या इवः सं वडा नं. १ या वडाध्यक्ष श्याम कृष्ण खत्री नं न्वचु तयो द्यूगु खः सा प्रधानमन्त्री रोजगार कार्यक्रमया कजि लक्ष्मी प्रजापति जुं थुगु ज्या इवः याय् मःगु खाँ काडः दिल ।

३० के.जी. खय् विपुल त्वाय्ना ल्यू, ३५ के.जी. खय् दिपेन्द्र बद्दुवाल ल्यूया ल्यू, ४० के.जी. खय् कृष गवाछा ल्यू व ४४ के.जी खय् दिपेन्द्र ल्यू या ल्यू, ४० के.जी. खय् कृष गवाछा ल्यू व ४५ खय् सरुक राई ल्यू या ल्यू लागु खः । कुमिते विधाख्य् मिसा मस्त पाख्य् ४० के.जी. खय् मिडमा तामाड ल्यू या ल्यू, ४५ के.जी खय् श्रेया शाही, ५० के.जी खय् क्रितिका राइपुं ल्यू या ल्यू लागु खः ।

सचिव नीगृगृगु खप पौ. बःछि पौ(पाक्षिक)

## पसल्यात मुंकय्गु ज्या क्वचाल

फागुन १४ गते



खप नगरपालिका वडा नं. ७ या पसल्यात खप नगरपालिकाया सभा कक्षसं मुक्से नगर प्रमुख सुनिल प्रजापति जुं खप दे चाह्यू वैपुं देशं दुनय् व देशं पिनय्या पर्यटकपुं अपलं चाह्यू वयो चवंगु खाँ कुल दिसे पर्यटनया लागात तः ब्याकः यंकः छक मवसें मगागु थाय् काथं हछ्याय्ता थानाया पुलां पुलांगु ऐतिहासिक सम्पदात ल्हवनय्-कानय् ताडः वानिथे चवंगु ऐतिहासिक पुखुत मुलःल्हवनय्, जात्रा पर्व व संस्कृति ल्यंकः म्वाकः तय्ता बः याडः

वयो चवंगु खाँ काडः दिल ।

नगर प्रमुख प्रजापति जुं खप नगर दुनय् चायकः तःगु पसः व्यवसाय, उद्योगत फुक्क प्रचलित ऐन कानुनय् च्वडः नगरपालिकाय् दर्ता याडः नगरया सुचुकुचु सम्पदा ल्यंकः म्वाकः तय्गु ल्हवनय् कानय् व दानय् ज्याख्य् नं गवाहाली याय्ता ब्यवसायी पिन्के गवाहाली फवडः दिल ।

खप दे या शान्ति सुरक्षा, सुचुकुचु, बजार ब्यवस्थापन थजगु ज्याख्य् नगरपालिका विशेष बः याडः वयो चवंगु खाँ ब्याकसे वयकलं पर्यटन ब्यवसाय च्व जाय्के फःसा देया अर्थतन्त्र बल्लाइगु खाँ काडः दिल ।

बडा नं. ७ या बडाध्यक्ष उकेश कवां जुं ब्यवसायीपिसं थःगु ब्यवसाय न्ह्याकय्गु इवलय् मेपिन्ता नं काथं मछिनिगु काथं ज्या मयाय मःगु अलय् नगरय् देशं दुनय् व देशं पिनय्या पर्यटकपुं चाह्यू वलकिं नगर व देशता नं गवाहाली जुई धायो दिल ।

नगरपालिकाया स्यानिटेशन उप शाखाया प्रमुख दिलिप कुमार सुवाल जुं नगरता यचु पिचुक तयो तय्गु सकल नगरबासीपिनिगु कर्तव्य खः धायो दिसे पसः ब्यवसाय याडः च्वंपुं पसल्यातय्सं नं बांलागु ब्यवस्था याडः नं गवाहाली याय् फः धायो दिल ।

## हनुमन्ते खुसी रिटेनिङ् वाल दयकेता छलफल

फागुन १४ गते

खप नगरपालिकाया प्रमुख सुनिल प्रजापतिया नायो सुई अधिकार सम्पन्न वागमती सभ्यता विकास समिति व केयूकेएल (पी.आई.डी) या प्रतिनिधिपुं नपां हनुमन्ते खोला सुधार याय्ता रिटेनिङ् वाल दानय् ज्याख्य् वगु समस्याया खाय्य सोमवार छलफल जुल ।

उगु बैठकं हनुमन्ते खुसीया सिथ्य् KUKL (PID) पाखं थ्वनं हाँ लायो हःगु धःया Alignment तं याडः समस्या वगुलिं छलफल यागु जुल ।

धः या पाइप्या Realignment मयासिं उगु रेटेनिङ् वालया ज्या हछ्याय् मफैगु लिं नपां खप नगरपालिकापाखं ठेक्का बियो ज्या हज्याकः चवंगु उगु ज्या हःनय् न्ह्याकय्ता धः या पाइप Realignment याय् ब्यवस्था याडः सहजीकरण याय्त PID ता पौ चवय्गु खाँ क्वःछिता । छलफलसं



बडाध्यक्षपुं उकेश कवां(७), श्याम कृष्ण खत्री(१), कृष्ण प्रसाद कोजु (८) PID या आयोजना ब्यवस्थापक योगेन्द्र चित्रकार, अधिकार सम्पन्न वागमती सभ्यता विकास समिति आयोजना उपनिर्देशक उद्घव नेपाल सर्भेक्षक चेतनाथ पराजुली पुं भःगु खः ।

सचिव नीगृह खप पौ. बःखि पौ(पाक्षिक)

## चाइनिज भाय सयकिपिता अभिमुखीकरण

फागुन १४ जते

खप नगरपालिकापाखं फागुन १५ गते निसें चाय्किगु चाइनिज भाय् न्हपांगु व नेकगू तगिंया भाय सयकिपिता अभिमुखीकरण ज्या: इवः सं नगरप्रमुख सुनिल प्रजापति जुं चीनया चतारं विकास जुयो च्वंगु खाँ सय्के सिइकेता चिनियाँ भासं ग्वाहाली याइगु थुकिं तेपः देता हे ग्वाहाली जुइगु खाँ व्याकसे चीन छु खः थुइकेता, अध्ययन अनुसन्धान, पर्यटन प्रवर्द्धन, व्यवसाय, उद्योग व व्यापारयाय्ता चिनिया भायया महत्व न्हिया न्हिथं अप्वयो वगु द: धायो दिल ।

आर्थिक समृद्धि यायां चीन हज्याडः वांसेलिं विदेशय् चाह्यू वैपु चिनियाँ पर्यटक तनं अप्वयो वगु खाँ व्याकसे व्यकलं चिनियाँ पर्यटकतनं अपलं नेपालय चाह्यू वसेलिं अमिगु भाय बांलाक ल्हायसः पु लाँजु व पु अपलं मरुगुलिं भीसं चाइनिज भाय्ता महत्व बियो दायैं दायैं पतिकं खप नगरपालिकां ल्यासे ल्याहोपिता चाइनिज भाय स्यड वगु खः धायो दिल ।

नेपालं चीनतपां सामाजिक, सांस्कृतिक, धार्मिक, शैक्षिक नपां व्यापारिक ल्याखां नपां ज्यासाडः वयो च्वंगु खाँ व्याकसे व्यकलं चीनपाखं नेपालं अपलं खाँ सय्कः थुइकः ग्वाहाली काय फैगुलीं भाय् सयकेमेगु खाँकाडः दिल ।

खपया जनताया जीवनस्तर थाकाय्ता आर्थिक ज्या इवः त तः व्याक यंक्यगु नपां राजनीतिक चेतनास्तर चवजायकेता

## श्रमदान

फागुन १६ जते



खप नगरपालिका वडा नं ५ टौमढी (क्वाठ्ठै) च्वंगु सिचु फल्चा दानयगु इवलय् प्वल्है चियगु ज्याख्य स्थानीय जनतां जनश्रमदान यागु जुल ।



नगरपालिकां थीथी ज्या इवः त न्हयाकः वयागु खाँ व्याकसे नगर प्रमुख प्रजापति जुं भाय सय्कः च्वःपिता जीवन व समाजता भिं जुइगु ज्ञान काय्मः धायो दिल । ज्या इवः सं चिनियाँ भाय् स्यनामि राजेन्द्र चवाल, विनय हाडा व हरिलक्ष्मी दनेखुं भाय् सय्केगुया महत्व नपां सिकाइ उपलब्धीया खाँ काड दिल ।

उगु ज्या इवः सं चिनियाँ भाषा तालिमया कजि दिपेन्द्र प्रजापति नं न्वचु तयो द्यूगु खः । चिनियाँ भाय् तालिम आधारभूत (न्हपांगु तगिं) या नेगू पुचः एडभान्स (नेगूगु पुचः) या छगू पुचः ता भाय् स्यनय् ज्या याई ।

## खप नगरपालिका

### नगर कार्यपालिकाया कार्यालय

व्यासी, खप

खप नगरपालिकां अडियो नोटिस सेवा हचिकगुलिं नगरपालिकायागु सूचं व ज्या भ्वः क्वय च्वयतःगु नम्बरख्य डायल यड न्यने फैगु खाँ फुककंसिता व्याक चवडा ।

Audio Notice Number:

१६१८०९६६१००९६

सचिव नीगृगृगु खप पौ. बःष्टि पौ(पाक्षिक)

## भतिंगवारा कासामिपित्ता जर्सी

फागुन १७ गते

खप नगरपालिकाया प्रमुख सुनिल प्रजापति जुं भक्तपुर

युवा टिमया ग्रसालय् फागुन १८ गते निसें खपपा माहेश्वरी (खेल मैदान) कासा ख्यलय जुइगु स्वकागु भक्तपुर कप भतिंगवारा कासाय् ब्वतिक: वांपुं कासामिपित्ता जर्सी ल: ल्हाडः दिल ।

कासामिपित्ता लाँपु क्यडः दिसे नगर प्रमुख प्रजापति जुं कासामिपिंकय् आत्मबल एकाग्रता व अनुशासन दयमःगु खाँ काडः दिसे कासापिनिगु मन च्वछायगु काथंया ज्यात नगरपालिकां याडः वगु खाँ ब्याकः दिल ।



वयकलं बालाम्हा कासामि जुयता हलिमय नां दांपुं कासामिपिनिगु जीवनी ब्वनय्म: धायोदिसे कासा बालाकः म्हितय्गु मनं कासा म्हितय्म: धायो दिल ।

थ: ता मन दःगु काथंया लागाय् थःगु सीप जाय्केगु काथं हज्याडः समाज विकासय् कासामिपिनिगु तःहांगु लाहा दै धायो दिल । ज्या इवःसं वडा नं. १ या वडाध्यक्ष श्याम कृष्ण खत्री युवा तथा खेलकुद समितिया कजि अनुशासित जुयो कासामिपित्ता म्हितय्ता ग्राकः दिल ।

फागुन १७ गते

खप नगरपालिका वडा नं. ४ राममन्दिरय् च्वंगु शान्ति निकेतन माध्यामिक विद्यालयया ५४ कगु वार्षिकोत्सव व शिक्षक सम्मान हानय्ज्या ज्या इव: उलेज्या याडः दिसे खप नगरपालिकाया प्रमुख सुनिल प्रजापति जुं शिक्षाया क्वातुगु जगं समाजता सभ्य व सुसंस्कृत याय्ता घ्वासा जुइगु खाँ काडः दिसे दांकः भिंकः शिक्षा वियगु तातुडः खप नगरपालिकां थी थी विषयया कलेजत थमनं हे चाय्कः वयो च्वंगु खाँ काडः दिल । वयकलं थौया शिक्षाया तातुडा २१ गू सदिंया लागिं योग्य सक्षम व देशभक्त नागरिक ब्वलांकय्मःगु खाँ ब्याकसे थुकिं समाजय ह्यूपा ह्यूता बालागु ज्या याइगुलिं



युवा जनशक्ति ब्वलांकय्ता ब्वनय्कुथिं बः याय्म: धायो दिल ।

वयकलं खप नगरपालिकां ग्रसः: ग्रइगु थी थी ज्या इव: ख्य शान्ति निकेतनं बालाक ब्वतिकायो वगु खाँ कुलः दिसे खपपा शिक्षा क्षेत्र हज्याकय्गुलि नं शान्ति निकेतन मा.वि. या भूमिका च्वः जः धायो दिल ।

ज्या इवःसं वडा नं. ४ या वडाध्यक्ष उपेन्द्र सुवालं खप नगरपालिकां शिक्षा, स्वास्थ्य, कासाया लागाय् याडः वयो च्वंगु ज्या इव: त कुलदिसे २०८० फागुन २९ गतेनिसें अन्तर नगर महिला कवड्डीया धिं धिं बल्ला जुइगु खाँ काडः दिल ।

ब्वनय्कुथिया प्र.अ. विजयराम प्रजापति जुं ब्वनय्कुथिया प्रतिवेदन नपां ब्वनामिपित्ता गुणस्तरीय व व्यवहारिक शिक्षा बियो वयागु खाँ काडः दिलसा दायँदायँ पतिकं थे थुगुसी नं ७० हजार ४०० तका ब्राबरया छात्रवृति बियागु खाँ काडः दिल ।

ज्या इव: सं ब्वनय्कुथिं अवकाश ज्योद्यूम्हा महेन्द्र गोपाल कर्माचार्य, शिक्षक इन्द्र कुमार साख नं न्वचुतयो द्यूगु खः । नपां अवकाश कायो द्यपुं शिक्षक कृष्ण गोपाल प्रजापति पिन्ता मू पाहाँ नगर प्रमुख प्रजापति जुं हानय् ज्या याडः द्यूगु खःसा रमा-मिना शिक्षक प्रेरणा पुरस्कार व केश प्रजापति स्मृति सहयोग अक्षयकोषता कृतज्ञता पौ नं ल: ल्हाडः द्यूगु खः ।

सचिव नीगृह्य खप पौ. बःखि पौ(पाक्षिक)

## गैरवपूर्ण इतिहास कःघाडः चंगु सम्पदात ल्हवनय् मः

फागुन १८ गते

खप नगरपालिका वडा नं. १ या ऐतिहासिक भाजु पुखु ल्हवनय् कानय् ज्या क्वचाय् धुङ्गुलिं फागुन २५ गते उलेज्या यायता



मः काथंगा ब्यवस्था यायता मुङ्गु ज्या इवः सं खप नगरपालिकाया प्रमुख सुनिल प्रजापति जुं सम्पदा ल्हवनय्-कानय् ज्या छां सेवा खः धायो दिसे जनतात मिलयजुयो गैरवपूर्ण इतिहास कः घाडः चंगु सम्पदा ल्यंकः म्वाकः तय फः सा न्हँगु पुस्ता लाभान्वित जुइगु खाँ काडः दिल। वयकलं सेनाया लाहातय लाडः चंगु रानीपुखु सर्वसाधारण जनता त नं द्वह वाडः चाहिलय दयकेता उब्लेया प्रधान सेनापति जुं ग्वाहाली यागु खाँ काडः दिसे २०५८ साल निसे ल्हवनय् ज्या न्ह्याकगु भाजुपुखु २०७४ सालय् त्याकपुं जनप्रतिनिधि

फागुन १८ गते

खप नगरपालिकापाखं न्ह्याकगु साँ च्याक्यू (हेयर कटिङ्ग) तालिमय खप नगरपालिकाया प्रमुख सुनिल प्रजापति जुं तालिम कक्षा झायो स्वयोदिल।



पिसं ल्यं दःगु ज्या हकनं न्ह्याकल। पुलांगु भीगु थःगु हे मौलिक पहलं दयकगु लयताया खाँ खः धायो दिल।

खप देया थौंया विकास व ह्यूपाखय् नेमकिपाया न्ह्यलुवा कार्यकर्ता पिनिगु तहांगु लाहा दःगु खाँ कुल दिसे पुखु ल्हवनय्-कानय् सिध्यकः पर्टटकपु छक स्वः मवसे मगागु गन्तव्यस्थल दयकेगुलि ग्वाहाली जुइगुलिं उलेज्या भव्य रूपं तः लाक्यता वडा बासीपिनिगु ग्वाहाली मद्यक मगा धायोदिल। वडा नं. १ या वडाध्यक्ष श्यामकृष्ण खत्री जुं भाजु पुखुया उलेज्या शिवरात्री (शिलाच्छे) खुनुं जुइगु खाँ ब्याकसे थुकीं खपया आर्थिक प्रवर्द्धनय् ग्वाहाली जुइगु खाँ ब्याकः दिल।

उलेज्या ज्याइवः सं सकले ब्यतिकायो दियता सकल वडाबासीपिन्ता इनाप यासे उलेज्या जुय न्ह्यो नासमनाय् मुडः आनात च्याली याडः उलेज्या यायथाय् थ्यंक्यू खाँ वडाध्यक्ष खत्री जुं धायो दिल।

ज्या इवः सं वडाया दुजपुं सुर्यप्रसाद श्रेष्ठ व गड्गा लक्ष्मी बमनु नं न्वचु तयो द्यूगु खः। भाजु पुखुया उलेज्या नेपाल मजदुर किसान पार्टीया नायो भाजु नारायणमान बिजुकछुँ (रोहित) जु या मू पाहालय जुइगु नपां ‘भाजु पुखु व जलेश्वर मन्दिर पुनः निर्माण’ साफू चिखी फ्यनय् ज्या नं जुइगु खाँ काडः दिल।

## निरीक्षण

अथेहे २०८०/११/१९ गते खप नगरपालिका पाखं न्ह्याकगु दादुरा, रुबेला खोप अभियानया इवलय सैनिक आवासीय महाविद्यालय जुगु खोप अभियान खप नगरपालिकाया प्रमुख सुनिल प्रजापति जुं स्वयोदिल। आना ब्यूगु जानकारी काथं १००० म्हा स्वयो अपः ब्वनामिपिन्ता उगु खोप याकगु खः।



सचिव नीगुगु खप पौ. बःषि पौ(पाक्षिक)

फागुन १८ जाते

## श्रमया सम्मान याइगु संस्कृति ब्वलांक्य्

खप नगरपालिकापाखं न्ह्याक च्वंगु हाउस वायरिड व  
आधारभूत कम्प्युटर तालिमया लागिं आवेदन ब्यूपुं सय्कामिपुं मुकः  
अभिमुखीकरण ज्या इवः यासे खप नगरपालिकाया प्रमुख सुनिल  
प्रजापति जुं नेपालय् सीपयुक्त जनशक्ति मरुगु खाँ ब्याकसे जनशक्ति  
योग्य, दक्ष याय्ता खप नगरपालिकां थी थी लाहातय् ज्या दैगु नपां  
जीवनोपयोगी तालिमत न्ह्याकः च्वंगु खाँ काडः दिल ।



सीप मूलक तालिम व दक्ष जनशक्ति ब्वलांक्य् गुलि खप  
नगरपालिकां मः काथं ज्या हज्याक च्वंगु खाँ ब्याकसे वयकलं  
देशता गरिबीं थाकाय्ता ल्यासेल्याम्होपिन्ता भीगु देशय् हे ज्या

वियमः धायो दिल ।

तालिमं ल्यासे ल्याम्हो पिन्ता लाहातय् सीपं जाय्क ज्या  
बिइगु नपां थःगु तुतिखय् दानय् फय्कः बिइगु खःसा विदेशं सय्कः  
वयो भीगु देशय् सेवा याय्गु भावना ल्यासे ल्याम्हो पिन्ता वियमः  
धायो दिल ।

ज्यायाता च्वछाय्गु संस्कृति निर्माण याय्गुलि सकलसिया  
कुतः मदयक मगा धायोदिसे प्रमुख प्रजापति जुं श्रमया सम्मान जक  
हे हज्याइगु खाँ काडः दिल ।

खप नगरपालिकाया प्रमुख प्रशासकीय अधिकृत वसन्त  
भट्टराई जुं तालिमय् वपुं सकलें सय्कामिपुं अनुशासन व ई या महत्व  
थुइकः दानय् मःगु नपां तालिमता खः थाय् छ्यलः थःगु तुतिखय्  
दानय् गु कुतः याय्मः धायो दिल ।

खप नगरपालिका वडा नं. ९ या वडाध्यक्ष रविन्द्र ज्याख्वं  
खप नगरपालिकां न्ह्याकिगु हाउस वायरिड फागुन २० गते आइतबार  
व आधारभूत कम्प्युटर तालिम फागुन २७ गते आइतबार सुथाय् सिया  
७:०० ताइलय् निसें न्ह्याइगु उगु तालिम खप नगरपालिकापाखं चाय्क  
तःगु खप बहुप्राविधिक अध्ययन संस्थानय् जुइगु खाँ काडः दिल ।

ज्या इवःसं कम्प्युटर तालिमया स्यनामि सुनिल दथेपुथे व  
हाउस वायरिड्या स्यनामि पूयणराम बासीं नं तालिम छाय् काय्  
मःगु थुकिं छु गुलि फाइदा जुइगु धाय्गु खाँ नं काडः दिल ।

## शैक्षिक व सांस्कृतिक प्रदर्शनी स्वः भाल

फागुन १९ जाते

खप नगरपालिका वडा नं ४ राम मन्दिरय् च्वंगु मिनर्वा  
इड्गलिश स्कूलय् जूगु सांस्कृतिक व शैक्षिक प्रदर्शन उलेज्या  
याडः दिसे खप नगरपालिकाया प्रमुख सुनिल प्रजापति जुं खपया  
स्थानीय कला, संस्कृति व उत्पादन च्वजायकेगु मतिं रवसः गवगु  
शैक्षिक प्रदर्शन तस्कं बालागुलि ब्वनय् कुथि परिवारता सुभाय  
देशासे खपया ब्वनामिपिन्ता नगर दुनयया कला, संस्कृति व  
सम्पदाया ऐतिहासिक व सांस्कृतिक महत्व थुइकः यंकय् गु भी  
फुकसिया कर्तव्य खः धायोदिसे वयकलं खपया इतिहास, भगोल,  
राजनीति, संस्कृति, सीप, प्रविधि, कासा थजगु विषय ब्वनामिपिन्ता  
ब्वंकय् गु तातुडः खप नगरपालिकां स्थानीय पाठ्यक्रम दय्कः  
फुकक ब्वनय् कुथि ब्वंकय् ब्यूगु खाँ काडः दिल ।

नेपःदे थी थी जातजाति व भाषापिनिगु मंकः क्यवः खः  
धायोदिसे वयकलं भीसं थःगु मैलिक पहः म्वाकः तय फः सा  
जक भीगु थःगु अस्तित्व व म्हासिइका ल्यडः च्वनिगु खाँ नं



वयकलं काडः दिल ।

शैक्षिक ब्वज्यासं खपया कला संस्कृति जीवन शैली  
पिज्वइगु विषय वस्तु तयो तःगु खः । नपां खपया लोकं हवागु  
भैल प्याखं, कवांचा प्याखं, खिचा प्याखं, धिमे, बाँसुरी बाजा नं  
ब्वज्या यागु खः ।

सचिव नीगृह्णु खप पौ. बःषि पौ(पाक्षिक)

## स्वकर्गु भतिंगवारा कासा उलेज्या

खप नगरपालिकाया प्रमुख सुनिल प्रजापति जुं भक्तपुर युवा टिमया गवसालय् जूगु भक्तपुर कप फुटबलया धिं धिं बल्ला उलेज्या याडः दिसे कासाया धिं धिं बल्ला थाँ याता जकमखुसें कन्हे सभ्य, सु-संस्कृत समाज दय्केता जूगु खः धायो दिल ।



महेश्वरी कासा ख्यलय् जूगु उगु धिं धिं बल्लासं समाजता अनुशासित व व्यवस्थित याय्गु इवलय् खप नगरपालिकां कासा स्यनय्गु ज्या खुल्ला व्यायामशाला, कभर्ड हल दय्केगु, कासाया धिं धिं बल्ला याय्गु ज्या याडः वयो च्वांगु खाँ कुलदिसे वयकलं न्हूँगु पुस्ताता कासाख्य् ब्वति काय्केगु कुतः जुयो च्वांगु खाँ काडः दिल ।

ल्यासे ल्याम्हेपिन्ता म्वः मरुगु ज्याख्य् मजुइकेता कासा

फागुन १९ गते

भक्तपुर पर्यटन विकास समितिया गवसालय् जूगु 'बिलियन्ट फोटो प्रदर्शनी २०८०'या क्वचाय्केगु ज्या इवःसं खप नगरपालिकाया प्रमुख सुनिल प्रजापतिया मू पाहाँलय् लाय्कुली क्वचाय्कसे किपा छगु थः हे इतिहास कः घाडः च्वांगु खाँ व्याकसे खपया सांस्कृतिक, ऐतिहासिक महत्व कः घाडः च्वांगु किपा ब्वज्यां देया महत्वपूर्ण सम्पति पिब्वगु थैं जूगु खाँ काडः दिल ।

खप नगरपालिकां देश दुनय् व देश पिनय्या पर्यटकपुं सालय्गु ज्या याडः वयो च्वांगु खाँ व्याकसे वयकलं फोटो ग्राफीया इतिहास पिब्वय फःगु ब्वज्या तस्कं स्यल्ला धायोदिसे वैगु दिनय् न थजगु ज्या इवः न्हयाक यंक्य् फ्यमः धायो सुभाय् देछायो दिल ।

ज्या इवः सं भक्तपुर विकास समितिया नायो भाजु दिपेश राज शर्मा नेहूतक ब्वज्या याइगु 'बिलियन्ट फोटो प्रदर्शनी सं स्वंगु पुस्ताता ६८ पा किपात ब्वज्यासं दःगु खाँ काडः दिल ।

ज्या इवःसं फोटो ग्राफर (किपामि) केदार बनेपालीं

छगु स्यल्लागु माध्यम खः धायोदिसे वयकलं कासामिपुं अनुशासित, इमानदार व देशभक्त जुयमः धायो दिल ।

खप नगरपालिका वडा नं. ७ या वडाध्यक्ष उकेश कवां जु बालापुं कासामिपुं ब्वलाक्यता खप नगरपालिकां कासाया ख्यलय् बालागु ज्या याडः वयो च्वांगु खाँ व्याकसे कासा बालाक क्वचाय्मः धायोदिल ।

भक्तपुर जिल्ला खेलकुद समितिया नायो दिपक थापां खप नगरपालिकां न्ह्याकगु कासाया गवसं खप दे कासामय जूगु खाँ व्याकसे थजगु कासाया धिंधिं बल्लाया गवसलं राष्ट्रिय व अन्तराष्ट्रिय कासाय् थेकिगु दबु खः धायोदिल ।

खप नगरपालिकां याडः च्वांगु कासाया भौतिक विकास च्वचाय बहजु धायो दिसे गुकिं कासामिपिनिगु मन च्वजाइ धायो दिल ।

भक्तपुर युवा टिमया संस्थापक अध्यक्ष विश्वराम कवां जु युवा टिमया इतिहास काडः दिसे ल्यासे ल्याम्हेपिन्ता कुलतय् मध्वयता युवा टिम निःस्वांगु खाँ काडः दिल ।

भक्तपुर युवा टिमया नायो केशव त्वानाबासुया नायोलय् जूगु उगु ज्या इवःसं भक्तपुर कप फुटबल धिं धिं बल्ला कासाया कजि सुरेश कवां जुं कासाया धिंधिं बल्लाय् १६ गू टिम ब्वति कःगु खाँ काडः दिल ।

## किपा ब्वज्या



नगरप्रमुख सुनिल प्रजापति जु याता फोटो एल्वम लः ल्हाडः दिल सा नगर प्रमुख प्रजापतिजुं किपा ब्वज्या तः लाक क्वचाय्केता गवाहाली यापुं सकलसिता लय्ता पौ लः ल्हाडः दिल ।

सचिव नीगृगु खप पौ. बःष्टि पौ(पाक्षिक)

फागुन २० जाते

पुरातत्व विभागया चालु आ.व. २०८०/८१ या स्वीकृत ज्या इवः दुनयया खप लायकु दरवार लागाय् च्वंगु लाल बैठक संरक्षणया ज्या इवः व खप दतात्रयया पुजारी मथ दानिगु खायँ स्वापु दःगु पुचः नपांया छलफल ज्या इवः सं पुजारी मथ भीगु पुलांगु मौलिक पहलं चां काकः दानयगु खायँ स्वापु दःपु सकलें सहमत जूगु खः ।



ज्या इवः सं खप नगरपालिकाया प्रमुख सुनिल प्रजापति जुं खप नगरपालिकां थवनं हाँ नं स्वापु दःपु मंकः पुजारी मठ चांकाक दानयगु खाँ क्वः छिडागु खाँ कुल दिल ।

भीगु मौलिक प्रविधि छ्यलयगु इवलय् खप नगरपालिका हदाय च्वडः वगु खाँ ब्याकसे वयकलं सम्पदा ल्यंकः स्वाकः तयगु ज्याखय् सःस्यू पुं विज्ञपुं मनू तय्के सल्लाह कायो ज्या हज्याक च्वंगु खाँ काडः दिल ।

सम्पदा ल्यंकः स्वाकः तयगु ज्या तस्कं संवेदनशील ज्या खः धायो दिसे वयकलं खप नगरपालिकां विदेशी तय्के ध्याछ धेबा हे मकः सें सम्पदात ल्हवनय् कानय् यायता बः बियो वयो च्वंगु दः धायो दिल ।

## भाजु पुखू

२०८० फागुन २० गते झोन पाखं कःगु किपा खप नगरपालिका वडा नं. १ य् च्वंगु भाजुपुखूया किपा । २०८० फागुन २५ गते शिवरात्रीया दिनसं नेपाल मजदुर किसान पार्टीया नायो भाजु नारायणमान बिजुकछैं (रोहित) जु पाखं भाजु पुखू उलेज्या जुइगु नपां खप नगरपालिका पाखं पिथांगु ‘भाजु पुखू र जलेश्वर मन्दिर पुनः निर्माण’ साफू न चिखी प्यनय् ज्या जुइगु खाँ खप नगरपालिका स्रोतं धःगु दः ।

खप नगरपालिकाया उप प्रमुख रजनी जोशीं चां काकः दानयगु धःगु पुजारी मठ्य चुं सुर्की छ्यः सेलिं दानयगु ज्या दिकगु खः धायो दिल ।

पुरातत्व विभागया महानिर्देशक शौभाग्य प्रधानाङ्गं चांकाकः दानयगु नं बल्लागु व भरपर्दो जुइगु खाँ ब्याकसे भवखाचां स्यंकय् मफैगु काथं दानयता पुरातत्व विभागं बः याडः वयो च्वंगु दः धायो दिल ।

वडा नं. ९ या वडाध्यक्ष रविन्द्र ज्याख जुं वडाबासी पुं नं चां काकः हे दानय् मःगु पक्ष दःगु खाँ ब्याकसे वर्षा सुरु जुयो वसेलिं दानयता तयो तःगु निर्माण सामग्रीत सुरक्षित व थासय् लाकय् मः धायो दिल ।


कन्जर्भेसन आर्किटेक्ट ई-सूदर्शन राज तिवारी व विज्ञ इन्जिनियर प्रेम नाथ मास्के जुं पुजारी मठ दानयगु खायँ चां काकः दानयगुलि हे थःपुं सहमत जुयागु अलय् चाः अपा भिं, मभिं-स्यूपिन्ता क्यडः जक तय मःगु खाँ काडः दिल ।

स्मारक संरक्षण व दरवार हेरचाह कार्यालय भक्तपुरया प्रमुख अरुणा नकःमि जुं सःस्यू पुं विज्ञपिनिगु राय सल्लाह काथं मथ दानयगु ज्या न्हयाकय् मः धायो दिल ।

राष्ट्रिय कला संग्रहालय परियोजना प्रमुख नपां संग्रहालय प्रमुख जयन्ती श्रेष्ठ प्रधान जुं ज्या इवःया तातुना काडः दिल ।

पुरातत्व विभागया स्ट्रक्चरल इन्जिनियर विनिता भण्डारी, खप इन्जिनियरिङ् कलेजया प्राध्यापक चन्द्र किरण कवां, निर्माण ब्यवसाय प्रतिनिधि पिसं नं न्वन्चु तयो द्यूगु खः ।

ज्या इवः सं खप लाय्कुलि च्वंगु न्हयकं इयो दरवार व लाल बैठक संरक्षणया खायँ नं छलफल जूगु जुल । छलफलय् लालबैठकया संरक्षणया खायँ नं थी थी विकल्प (पलेसा) खायँ नं ब्वतिकः पिसं थः थः गु बिचः प्वंकः द्यूगु खः ।



सचिव नीगृह खप पौ. बःखि पौ(पाक्षिक)

## सांस्कृतिक बाजा धिंधि बल्ला यायता छलफल

फागुन २१ गते

खप नगरपालिकाया प्रमुख सुनिल प्रजापतिया नायोसुई खप सांस्कृतिक बाजाया धिंधि बल्ला यायगु संस्कृतिक मिपु नपां सल्लाह याडः दिल ।

उगु मुंज्यासं नगर प्रमुख प्रजापति जुं स्थानीय तहया निर्वाचन त्याडः वय धुक्कः निर्वाचन घोषणापत्र कायं खप नगरपालिका २०७४ सालय बाँसुरी बाजा, २०७५ सालय धाँ बाजा व २०७६ सालय धिमाय बाजा, २०७७ य कोभिदं याड धिंधि बल्ला याय मफयागु २०७८ य पछिमा बाजा व २०७९ सं प्रगतिशील भजनया धिंधि बल्ला याडागु खाँ कुल दिल ।

वयकलं खप देता म्वाडः च्वांगु जीवन्त खप दे काथं म्वाकः तयता नगरपालिकां थी थी ज्या इवः त याडः वयागु खाँ काडः दिल ।

उगु ज्या इवः सं उप प्रमुख रजनी जोशी, प्रमुख प्रशासकीय



अधिकृत वसन्त भट्टराई जु शिक्षा, संस्कृति व स्वास्थ्य समितिया दुजः पु नेम्हा रविन्द्र ज्याल्ल वडाध्यक्ष ९, उकेश कवां वडाध्यक्ष ७ पु नं दःगु जुल ।

## अनाथ ब्वनामिपिन्ता शैक्षिक सामग्री इयगु ज्या इवः

फागुन २१ गते

खप नगरपालिकाया प्रमुख सुनिल प्रजापति जुं खप नगर दुनय ब्वडः च्वांपु मां ब्वा मरुपु अनाथ ब्वनामिपिन्ता सोमबार ज्या इवः सं शैक्षिक सामग्री इडः दिल ।



उगु ज्या इवः सं नगर प्रमुख प्रजापति जुं नगर दुनय ब्वडः च्वांपु हिगु ब्वनयकुथिया ५७ म्हा ब्वनामिपिन्ता अमिगु तगिं स्वयो ब्याग, क्याकुलेटर, पेन्सिल थजगु शैक्षिक सामग्रीत इडः ब्यूगु जुल ।

ज्या इवः सं प्रमुख प्रजापति जुं अनाथ मस्तयगु भविष्य शिक्षक पिनिगु मेहनतय बः काइगुलि ब्वनामिपिन्ता अनुशासित,

इमानदार व देशभक्तया पाठ ब्वंकयगु ब्वनयकुथि तगिं निसें याक्य मः धायो दिल ।

समाजया सेवा यायगु विषयलय नं ब्वनामिपिन्ता ग्वाक्य मःगु खाँ ब्याकसे वयकलं कमजोर व लिनय लाडः च्वांपु मस्तयता विशेष काथं हदाय तयो शिक्षकपिसं ब्वंकय मः धायो दिल ।

ज्या इवः सं उप प्रमुख रजनी जोशी अभिभावक मरुपु मस्तयगु मानसिक विकासया लागिं शिक्षा मद्यक मगागु विषय जूगु खाँ न्हिथांसे शिक्षक शिक्षिका पिसं लाँजुव जुयो ज्या यायमः धायो दिल ।

ज्या इवः या सभानकी मयजु नपां कार्यपालिकाया दुजः रोशन मैयै सुवालं खप नगरपालिकां दायैं दायैं पतिकं अभिभावक मरुपु ब्वनामिपिन्ता शैक्षिक सामग्री इडः वगु खाँ ब्याकसे थुकीं अजपु मस्तयता ब्वनयता भातिचा जूसां ग्वाहली जुइगु खाँ काडः दिल ।

ज्या इवः सं खप नगरपालिकाया प्रमुख प्रशासकीय अधिकृत वसन्त भट्टराई जु सुभाय देछायो दिलसा कार्यपालिकाया दुजः छोरीमैयैं सुजखुं नं न्वचु तयो द्यूगु खः ।

सचिव नीगृगृगु खप पौ. बःष्टि पौ(पाक्षिक)

## महामारी व्यवस्थापन पूर्वतयारी

फागुन २२ गते

खप नगरपालिकाया प्रमुख सुनिल प्रजापतिया नायोसुई स्थानीय तह स्तरीय महामारी व्यवस्थापन पूर्व तयारी व प्रतिकार्य योजना दयेकेगु खायै मंगलवार छन्ह्या अभिमुखीकरण ज्या इवः नगरपालिकाया सभा कक्षसं जुल ।

ज्या इवः सं नगर प्रमुख प्रजापति जुं महामारी धायो मवइगु अलय् स्वास्थ नपां स्वापु दःगु खाँ जूगुलिं खप नगरपालिकां विपद् व्यवस्थापन कोष दयकः घटना स्वयो दुःख जूपिन्ता धेबा रवाहाली याडः वगु खाँ काडः दिल ।

ज्या इवः सं स्वास्थ्य कार्यालय भक्तपुरया प्रमुख अस्मिता ओफां महामारी व्यवस्थापन पूर्व तयारी ज्या इवः या तातुना, थी थी ल्यथत, महामारी, विपद् छाय जुइगु उकिया आपतकालीन अवस्थाय् तुरुन्त स्वास्थ्य सेवा वियगु खाँ काडः दिल ।

जिल्ला जनस्वास्थ्य कार्यालय महामारीया स्रोत व्यक्ति दीपक अछामि भक्तपुर जिल्लाया स्वास्थ्य आकस्मिक योजनाया



प्रस्तुतीकरण याडः दिल ।

अभिमुखीकरण ज्या इवः सं नगर उप प्रमुख रजनी जोशी, प्रमुख प्रशासकीय अधिकृत वसन्त भट्टराई, वडाध्यक्ष ज्ञूपु शाखा प्रमुख ज्ञूपु खप अस्पतालया प्रतिनिधि पुं भःगु खः ।

## भाजुपुखूली सुचुकुचु ज्या इवः

फागुन २३ गते



खप नगरपालिकां थौ सुथाय् ऐतिहासिक भाजुपुख्या चाकली सुचुकुचु ज्या इवः न्ह्याकसे २०८० फागुन २५ गते शिला चूहे (शिवरात्री) खुनुं उलेज्या याय्ता नगरपालिकाया जनप्रतिनिधिपुं, कर्मचारीपुं वडाया स्थानीय बन्यकुथिया प्रतिनिधिपुं मुडः पुखूलीया न्हाँ व उकिया चाकलीं सुचुकुचु ज्या यागु खः ।

उगु ज्या इवः सं खप नगरपालिकाया प्रमुख सुनिल प्रजापति जुं तः दा हाँ निसें स्यडः, ख्यो थैं जुयो च्वंग भाजुपुखूता

सास बियो म्वाकय्गु थैं जुगु खाँ कुलः दिसे पुखूता तस्कं बालाक व म्वाकः तय्ता पुखूता इलय् व्यलय् सुचुकुचु याय् मः धायो दिल । थ्यं मथ्यं ३२ पी थासय् डाड च्वंग थुगु पुखु खपयाय् हे तः र्वगु पुखू खः धायो दिसे पुखूया चाकली सुरक्षिक याडः तय्मः धायो दिल ।

खप नगरपालिका प्रमुख प्रशासकीय अधिकृत वसन्त भट्टराई जुं सुचुकुचु ज्या इवः ख्य भःपुं सकल सिता सुभाय देष्यायो दिसे थजगु ज्या इवः खः सम्पदा थःगु धाय्गु भावना ब्वलानिगु खाँ काडः दिल ।

खप नगरपालिका वडा नं ९ या वडाध्यक्ष रविन्द्र ज्याख्यं भाजुपुख्या ल्हवनय् कानय् व दानय् गु ज्या क्वचःसेलिं थुगु थाय् अज बालाइगु खाँ व्याकसे पुखूली सकले चाहिलय दैगु ज्सेलिं थानाया आर्थिक गतिविधि नं अप्वयो वगु खाँ काडः दिल ।

अथेहे खप नगरपालिका वडा नं. १ या वडाध्यक्ष श्याम कृष्ण खत्री जुं भाजु पुखू उलेज्याया इलय् सकलं भायो दियता इनाप यासे उलेज्या तस्कं बालाक क्वचाय्केता सकलसिता र्वाहाली मःगु खाँ नं काडः दिल ।

सचिव नीगृगृगु खप पौ. बःखि पौ(पाक्षिक)

## अन्तराष्ट्रिय श्रमिक महिला दिवसया ज्या इवः

फागुन २३ गते

खप नगरपालिकाया गवसालय 'महिला लगानी: सभ्य व सम्मुनत समाजया थालनी' धायगु नारा ज्वङः ११४ कगू अन्तराष्ट्रिय श्रमिक महिला दिवसया लसताय विश्वया क्रान्तिकारी महिला पिनिगु जीवनी ब्वनयगु अध्ययन गोषी ज्याइवः न्ह्याकसे मू पाहाँ खप नगरपालिकाया प्रमुख सुनिल प्रजापति जु हलिमयया क्रान्तिकारी मिसापिनिगु जीवनी ब्वडः ज्यासाडः नैपुं मिसा तय्ता राजनीतिक रूप सक्रिय जुयता उत्साह व प्रेरणा दै धायो दिल ।

क्रान्तिकारी महिला पिनिगु जीवनी ब्वडः नैपुं या ज्या साडः नैपुं वर्षाया आन्दोलनता नपां ग्वाहाली जुइगु खाँ व्याकसे मिसातय्गु ग्वाहाली मदय्कः मिजंत नं सफल मज्वीगु खाँ काडः दिल ।

समाजवाद व पूँजीवाद गुलिपा धायगु खाँ काड दिसे वयकलं समाजवादी व्यवस्थाय् ज्यासाडः नैपुं वर्गता भिं जुइगुलिं क्रान्तिकारी महिला पिनिगु जीवनी ब्वडः थुइक समाजय् दःगु शोषण अन्याय अत्याचारया विरुद्धय ल्वाय फै धायो दिल । उकिं भीसं शोषित मिसातय्ता छप्पा छधियाडः यंकय् मः धायो दिसे समाजवादी व्यवस्थाय् मिसातय्गु नं व्यक्तित्व विकास उथिंग्यंक जुइगु खाँ नं काडः दिल ।

ज्या इवः सं खप नगरपालिकाया प्रमुख प्रशासकीय अधिकृत वसन्त भटुराई जु अन्तरराष्ट्रिय श्रमिक महिला दिवसया लसताय

## कासामिपुं कबड्डी अभ्यासय्

फागुन २३ गते

खप नगरपालिकाया गवसालय् २०८० फागुन २९ गते जुइगु अन्तरनगर महिला कबड्डी धिं धिं बल्लाया लागिं खप नगरपालिका पाखं ब्वति काइपुं कासामिपुं कबड्डी कासाया अभ्यास न्ह्याकल । वहे इवलय् खप नगरपालिका प्रमुख सुनिल प्रजापति जु कासामिपत्ता उत्साहित यासे मार्ग निर्देशन नं याडः दिल ।



भिन्तुनादेढःसे क्रान्तिकारी महिला पिनिगु जीवती ब्वड मिसामस्तय्ता थप सचेत व संगठित जुयगु मौका दै धायो दिल ।

ज्या इवः सं महिला बालबालिका समाज कल्याण समितिया कजि रोशन मैयाँ सुवालं रोजा लक्जेम्बर, कार्यपालिकाया तेम्हा दुःज पुं छोरी मैयाँ सुजखुं जेती मार्क्स व रञ्जना त्वारीं क्रुप्सकाया, बडाया दुजः मञ्जु मैयाँ लाखां क्लाराजेट्किन, सुमित्रा शिल्पकारंजेया कस्मोडेमोन्स्काया, तारा शाक्यं शिथाड चिड, बिष्णुकेशरी दुवालं अलेकजान्ड्रा कोलोन्ताइको पिनिगु बचा हाकलं म्हासिइका पिढवयो द्यूगु खः ।

बडा नं. ७ या बडाया दुजः हेरा ख्याजुं नं न्वचु तयो द्यूगु उगु ज्या इवः सं खप नगरपालिकाया महिला कर्मचारीपुं, आमा समूहया प्रतिनिधिपुं महिला स्वास्थ्य स्वयमसेविकापुं भःगु खः ।

## जीवन शैली व्यवस्थापनया

### बारे ज्या इवः

फागुन २४ गते

खप नगरपालिकाया प्रमुख सुनिल प्रजापति जु बांमलागु जीवन शैली ल्वयया छुं खः उकीं स्वस्थ जीवन शैली डालः अपलं फाइदा काय सय्के मः धायो दिल ।

जिल्ला आयुर्वेद स्वास्थ्य केन्द्र भक्तपुरया गवसालय् जूगु जीवनशैली व्यवस्थापन ज्या इवः सं न्वचु तयो दिसे वयकलं बांलाक जीवन हानयस्यकेता सकलसिनं ध्यान तय्मः धायो दिल । इलय् हे जिवय्ता निंगु नसा नयगु न्ह्याक्लें व्यायाम यायगु, भिंगु मति तय्गु थजगु खाँ ख्य् बः बियमः धायो दिसे नसा त्वःसा नं जीवन शैलीया छागु महत्वपूण घटक खः धायो दिल । मभिंगु जीवन शैली हलिमय थी थी ल्वयत खानय् दःगु नपां ल्हवंपुं मिसा तय्गु प्रजनन क्षमतासं बांमलागु लिच्चवः लाइगु खाँ काडः दिल ।

ज्या इवः सं जिल्ला आयुर्वेद स्वास्थ्य केन्द्र न्ह्याक्यगु व व्यवस्थापन समितिया राजेस प्रसाद अधिकारी, जिल्ला जनस्वास्थ्य केन्द्र भक्तपुरया प्रमुख नरेन्द्र प्रसाद गिरी, निरीक्षक श्याम कुमार रायमाभीपिसं न्वचु तयोद्यूगु खः ।

सचिव नीगृगृगु ख्वप पौ. बःषि पौ(पाक्षिक)

## ख्वपया ऐतिहासिक भाजुपुखू उलेज्या

फागुन २५ ज्ञते



नेपाल मजदुर किसान पार्टी नायो भाजु नपां वरिष्ठ राजनीतिज्ञ नारायण मान बिजुक्छैं (रोहित) जुं नकतिनिजक ल्हवनय्-कानय् व दानय् सिध्यकगु ख्वप नगरपालिका वडा नं. १ दूधपाटी च्वंगु व पुखु दथवीया जलेश्वर देग: या शुक्रबार भब्य ज्या इवःसं उलेज्या याडः दिसे वहे ज्या इवःसं नायो भाजु बिजुक्छैं जुं ख्वप नगरपालिका पाखं पिथांगु 'भाजु पुखु व जलेश्वर मन्दिर पुनःनिर्माण २०८०' साफू चिखी प्यनय् ज्या नं याडः दिल ।

ज्या इवःसं नायो भाजु बिजुक्छैं जुं ख्वपया भाजुपुखू मानव सभ्यताया छगू महत्वपूर्ण उपलब्धी खः धायोदिसे मदयो न्हाडः वानय्तांगु राष्ट्रिय धरोहरत हकनं म्वाकः हय्गु ज्याखय् पुरातत्व विभाग, प्रजाप्रतिष्ठान व विश्व विद्यालयत हदय च्वडः ज्या सानय् मःगु खाँ कुल दिसे वयकलं ख्वपया इतिहास, कला-संस्कृति न्हाँगु पुस्ताता पाठ्यक्रमय् तयो ढ्वंक्यगु वातावरण द्यक्मेः धायो दिल ।

प्राचीन सांस्कृतिक व वास्तुकला ल्यंकः म्वाकः तय्गु व हिलमालः उत्खनन याडः स्वयगु ज्याखय् बौद्धिक ढ्वक्तित्वपुं लिइमलाक जुयमःगु खाँ व्याकसे वयकलं भाजु पुखु ल्हवनय्-कानय् व दानय्गु इवलय् ज्या साडः द्यूपूं सकलें दाँकःमि, सिँकःमि, ल्वहँकःमि व मिसापुं कालिगडपित्ता सुभाय देछायो दिल ।

नायो भाजु रोहित जुं धायो दिल - 'म्हेगः थें थौं नं देश व जनताया भिं ज्याखय् निः स्वार्थ जुयो ज्या सानय्गु त्वःतय् मज्यू । च्वयया पदय् च्वनय् वं अलय् तःमि जुयवं भिंम्हा मनू मजुय फः ।'

ख्वप नगरपालिकाया प्रमुख सुनिल प्रजापति जुं ख्वपया मेमेगु सम्पदा ल्हवनय् कानय्या इलय् थें भाजुपुखू ल्हवनय्गु इलय् पुरातत्वविद, संस्कृतविद, इतिहासविद, वास्तुकलाविद नपां स्वापु

दःपुं सकलें नपां सल्लाह याडः ज्या याडागु खाँ काडः दिल ।

भाजु पुखुली थःगु पहः भीगु मैलिकताय् घःलाईदक ख्वप नगरपालिकां तस्कं बिचः याडः पलाछिडः ज्या सांगु खाँ काडः दिसे वयकलं पुखु थःगु धाय्गु मति जनतां तय्के मःगु धाय्गु तातुडः मेमेगु सम्पदा ल्हवडा बलय् थें थुकि नं स्थानीय जनतां निःस्वांगु उपभोक्तासमितिपाखं ज्या सांकागु खाँ कुलदिसे भाजुपुखू भक्तपुर क्याम्पस नेगूं जनताया सम्पति जगुलि थुकिता म्वाकः तय्मःगु अलय् पुखुया दक्षिण भागय् भक्तपुर क्याम्पसया उत्तर पाखय्या लाँ चाय्के मनिगु थुकिता क्याम्पसया पदाधिकारीपुं नपां तःकः छलफल याय् धुगु अः नं थुगु ज्या हज्याडः च्वंगु दः धायो दिल ।

वागमती प्रदेश सभासद सुरेन्द्र राज गोसाइँ जुं न्हाड वानिथे च्वंगु भाजु पुखुता ख्वपया तस्कं बांलागु व मनवक्वसाय्के फःगु पुखु काथं ल्हवडः द्यक्के ता मू ग्वाहाली याडः द्यूपूं वडाबासी, कालिगड, जनप्रतिनिधि, पुरातत्वविभाग, प्राविधिकपुं सकलसिता हानय् ज्या याय्मःगु खाँ व्याकसे थुगु पुखुली सम्पदा प्रेमी पिनिगु मन हवःगु खाँ व्याकसे वयकलं थःगु पहः मैलिकतां जायकः सम्पदा ल्यंकः म्वाकः तःगु ख्वप दे काथं देश विदेशय् म्हासिइका पिभवयो च्वंगु ख्वप देया सांस्कृतिक, सम्पदा ल्यंकः म्वाकः तय्गु अभियान व भाजु पुखू ल्हवनय्-कानय्या ज्या इवःल ख्वप देया लागि छगू चिं ल्वहँया ज्या यागु खाँ काडः दिल ।

सार्वजनिक सम्पति त्यलः काइगु ज्या अपलं जुयो वगु इलय देश तस्कं लज्या चायो च्वंगु इलय् ख्वप देशं याडः च्वंगु सार्वजनिक सम्पति ल्यंकः म्वाकः तःगु ज्या च्वछाय बहजु वयकलं धायो दिल ।

ख्वप नगरपालिकाया उप प्रमुख रजनी जोशी जुं पुखु सुङः धाँय॑ जक बुयो वगु ख्यो थें जुयो च्वंगु पुखुता २०७४ सालया स्थानीय तहया निर्वाचित त्याकः व्यानि॑ ख्वप नगरपालिकाय् नेमकिपाया जनप्रतिनिधिपिसं भाजु पुखु ल्हवनय्-कानय्या ज्या हज्याकगु खाँ काडः दिल ।

ख्वपया फुक्क सांस्कृतिक सम्पदात थानाया मैलिक म्हासिइका पिब्यो च्वंगु जक मखुसें नगरबासीपिनिगु आर्थिक व सामाजिक विकासया निधंसान खः धायो दिसे सम्पदा ल्यकः म्वाकः तय्गु इवलय् ख्वप नगरपालिकां स्थानीय उपभोक्ता पाखं ज्या न्ह्याकः व्यागु खाँ काडः दिल ।

भक्तपुर जिल्लाया प्रमुख जिल्ला अधिकारी रोशनी कुमारी श्रेष्ठ २०५८ साल निसें उत्खनन याडः वगु ख्वपया भाज्या पुखु ल्हवनय्-कानय् ज्याख्य् ख्वप नगरपालिकाया अग्रणी भूमिका दःगु खाँ ब्याकसे नाःमुङः तय्गु ल्याखं नं थानाया पुखू ल्यंकः तय्मः धायो दिल ।

पुरातत्व विभागया महानिर्देशक सौभाग्य प्रधानाङ्गां सम्पदा ल्यंकः म्वाकः तय्गु नं मानव सभ्यतानपां स्वापु दःगु विषय खः धायो दिसे ख्वपय् च्वंगु पुखुत जनसमुदाय व समाजया लागि॑ मःगु नाःमुङः मिं न्वःसा, ना॑ छुयता, हिति॑ नपां स्वापु द्यकः छ्यलय्ता द्यकः तःगु धायो दिसे भाजुपुखु मेगु पुखु स्वयो॑ महत्वं जःगु धायो दिल ।

पुरातत्वविद सम्पदां जःगु म्वाडः च्वंगु संग्रहालयया म्हासिइका जडः म्वाडः च्वंगु थासय् द०० दा॒ पुलांगु पुखू हकनं म्वाकः हःसेलिं अभ गौरव याय्गु थाय् दःगु खाँ नं वयकलं काडः दिल ।

इतिहासविद प्रा.डा. पुरुषोत्तम लोचन श्रेयठं भाज्या पुखुया ऐतिहासिक पक्षया खाँ कुल दिसे अनुसन्धान व उत्खननया इवलय् भाज्यापुखुया दथ्वी पश्चीम पाख्य स्वयो॑ च्वंगु जलेश्वररया देगः दःगु खाँ काडः दिसे इतिहास कालखण्डय् जलेश्वररया देगः दुङः पःत जूगु खाँ नपां भाज्यापुखु ल्हवनय् कानय् धुङः थुकिया इतिहास नं म्वाडः वगु खाँ काडः दिल ।

पूर्व न्यायाधिश गौरी बहादुर कार्की॑ जुं पुरातात्विक महत्व कः घाडः च्व.गु भाजुपुखु ल्हवनय्-कानय् लय् ग्वाहाली याडः द्यपुं सकलसिता च्वःजःगु सम्मान देछासे ख्वपया छगः ल्वः वानापुसे च्वंगु पुखू भाज्या पुखू जूगु खाँ काडः दिल ।

दरवार हेरचाह व स्मारक संरक्षण अङ्गा भक्तपुर कार्यालयया प्रमुख अरुणा नःकमि॑ जुं ख्वप दे तताजि॑ सांस्कृतिक सम्पदा व पुखू

## सचिष्व नीगुगूखु ख्वप पौ॑ बःष्टि॑ पौ॑(पाद्धिक)

पुख्या नगर खः धायोदिसे भाजु पुखु ल्हवनय्-गुलि कालिगडपिनिगु तः हांगु लाहा दः धायोदिल ।

भक्तपुर क्याम्पसया क्याम्पस प्रमुख सह प्राध्यापक कविता लुइटेल भाजुपुखू व भक्तपुर क्याम्पस नेगूं जनताया मंकः गु सम्पति॑ खः धायो दिसे थुगु पुखू म्वाकः हः सेलिं ख्वपया शान च्वःगःगु खाँ काडः दिल ।

ज्या इवःसं ख्वप नगरपालिका वडा नं १ या वडाध्यक्ष श्यामकृष्ण खत्री जुं भाजु पुखु ल्हवनय्-कानय्या बःचा हाकलं खाँ काडः दिलसा ख्वप नगरपालिकाया प्रमुख प्रशासकीय अधिकृत वसन्त भट्टराई जुं सुभाय देछायो दिल । ज्या इवःसं ९ नं वडाया वडाध्यक्ष रविन्द्र ज्याख्वं नं न्वचु तयो॑ द्यूगु नपां ज्या इवः याय् मःगु खाँ काडः दिल ।

ज्या इवः सं मू पाहाँ बिजुक्छ॑ जुं भाज्या पुखु पुनः निर्माणया (कार्यदल) ज्यासाना पुचःया पदाधिकारी जु पित्ता व उपभोक्ता समितिया नायोपिन्ता सुभाय् पौ॑ इडः ब्यूगु खःसा नगर प्रमुख प्रजापति॑ जुं भाजुपुखु पुनः निर्माण व सुचुकुचु ज्या इवख्य् विशेष ग्वाहाली यापुं मिसातय्ता दोसल्ला ड्यकः हानय् ज्या याडः दिल । उलेज्या ज्या इवः हाँ थी थी बजा गाजा नपां नासमनां न्ह्याकगु च्याली बजार चाहिलः ज्या इवः याइथाय् थ्यंकः उलेज्या जूगु खः ।

च्याली सं जनप्रतिनिधि॑ पुं बुद्धिजीवी, व्यवसायी, शिक्षक, प्रहरी, युवा, महिला, विद्यार्थी, कर्मचारी, स्काउट, थी थी सामाजिक संघसंस्था, बाजा गाजा व माक प्याखं पुचःत भःगु खः ।

नासमनां च्याली न्ह्याक्य् हाँ वडाध्यक्ष पुं योगेन्द्र मान बिजुक्छ॑ (५), राजकृष्ण गोरा(३), तं न्वचु तयो॑ द्यूगु खः । धः काथं भाजुपुखू ३२ पी॑ ११ आना जग्गाख्य् द्यकः तःगु खः । उगु पुखु नपां जेलेश्वररया देगः दानय्ता॑ १ करोड ८७ लाखू ३५ हजार ६ सय॑ ३६ तका दां खर्च जूगु खः ।



सचिव नीगृगृगु खप पौ. बःष्टि पौ(पाक्षिक)

## रोबोटया धिंधि बल्ला नपां प्रोजेक्ट छव्या

फागुन २४ जते



खप नगरपालिकाया पाखं चायक तःगु खप इञ्जिनियरिङ्ग कलेज व खप कलेज अफ इञ्जिनियरिङ्ग मंक: रवसालय् रोबोटया धिंधि बल्ला व प्रोजेक्ट छव्या ज्या इव: उलेज्या नगर प्रमुख सुनिल प्रजापति जुँ याडः दिसे मदिक्का मेहनत व कुतलं मनूतय् जीवन सफल जुइगु खाँ ब्याकसे

इलेक्ट्रोनिक्स इलेक्ट्रिकल्स व कम्प्यूटर इञ्जिनियरिङ्ग विषय नपां स्वापू दःगु थजगु रोबोट धिं धिं बल्ला याडः राष्ट्रिय व अन्तर्राष्ट्रिय लागाय धिं धिं बल्ला याय फःपुँ दक्ष जनशक्ति ब्वलांक्य् नपां शिक्षाता श्रम (ज्या) नपां स्वायगु ज्याखय् खप नगरपालिका मदिक्का हज्जाडः च्वनिगु खाँ काडः दिसे ल्यासे ल्याम्होपु विदेशय् वाडः च्वांगु पाडः थःगु तुतिखय् दानय् फय्केता युवा उद्यमशीलता ऋण बियो वयागु नपां कुषिखय् अपलं सम्भावना दःगु देश जूगुलिं थुकिता नं हछ्याड यंक्य मः धायो दिल ।

उप प्रमुख रजनी जोशी इञ्जिनियरिङ्ग ब्वनामिपन्ता न्हुँ न्हुँ गु लागाय् अनुसन्धान याक्य मःगु खाँ काडः दिलसा खप इञ्जिनियरिङ्ग कलेजया प्राचार्य सुजन माक, उप प्राचार्य रत्न शोभा प्रजापति, शिक्षक योगेश बज्राचार्य पिसं नं थः थःगु विषय न्वचु तयो द्यूगु खः ।

रोबोटया धिं धिं बल्लासं ३६ गू पुचः १०३ म्हा ब्वनामिपुं दुथ्यागु खःसा प्रोजेक्ट ब्वज्यासं ५३ गू ब्वज्या सं २१० म्हा ब्वनामिपुं दुतिगु खः । उलेज्या धुँकः प्रमुख प्रजापति जुँ उगु ज्या इवः स्वयो द्यूगु खः ।

## विश्वविद्यालय अनुदान आयोगपाखं रवाहाली

फागुन २४ जते

विश्व विद्यालय अनुदान आयोगया रवाहालीं खप कलेजय् चायक: तःगु 'इन्टर्नसीप सपोर्ट प्रोग्राम' या उलेज्या याडः दिसे खप नगरपालिकाया प्रमुख सुनिल प्रजापति जुँ विश्व विद्यालय शैक्षिक दसिपौ मियगु थाय् थे जुय मज्यू धायोदिसे शिक्षा उत्पादन व श्रमनपां स्वाय् फःसा ज्या मदयक: च्वनय् म्वालिगुलिं खप नगरपालिका लाहातय ज्या दैगु तालिमत ब्यू ब्यू उद्यमशील पित्ता, धवासा वियगु काथं ५ लाख तकातक उद्यमशील ऋण ब्यू ब्यू वयागु खाँ ब्याकसे उद्यमशीलता च्वन्ह्याक्यता खप कलेज विश्व विद्यालय अनुदान आयोग नपां ज्यासानयूता तयार दः धायो दिल ।

देया नेतातय् अकर्मण्यतां ल्यासे ल्याम्होपु अपलं देशं प्याहाँ वाडः च्वांगु खायै कुंखिडः दिसे युवातयता, उद्यमी याय् मःगु व ब्यूगु अनुदान खःगु थासय् छ्यलय् मःगु सल्लाह नपां वयकलं म्हवचा धेबां भिंकः बालाकः ब्वक्य धायानं अभिभावक व ब्वनामिपन्तिगु मति दःगु विषय चायके मब्यूगुलिं खप विश्व विद्यालय चायके मःगु खाँ काडः दिल ।

विश्व विद्यालय अनुदान आयोगया अनुसन्धान निर्देशक प्रा.डा. लाल प्रसाद आम्गाइ जुँ देया कन्हेया ल्यासे ल्याम्हो पिनिगु



लाहातय लाइगु खाँ ब्याकसे धेबाया लागिं सीडः सीडः विदेशय् वानय् ल्याम्होपु स्वयो थःगु सीप छ्यल: थःगु देशय् उद्यम याय् मः धायोदिसे विश्वविद्यालय अनुदान आयोगं थी थी ज्या इवः ता ज्वडः १,५१६ म्हा क्याम्पस नपां ज्या याडः च्वांगु ल्या काडः दिल ।

खप कलेजया प्राचार्य प्रकाश कुमार श्रेष्ठ, ज्या इवः या कजि अञ्जु रवाछां ज्या इवः ३ क्रेडिट आवर' या जुइगु नपां थी थी मेरु ज्या जुइगु खाँ काडः दिलसा उप प्राध्यापक सुनिता गार्डसीं नं न्वचु तयो द्यूगु खः ।

सचिव नीगृह्य खप पौ. बःखि पौ(पाक्षिक)

## नगर व्यागु महिला कबड्डी जुइगु

फागुन २७ जाते

खप नगरपालिकाया रवसालय फागुन २९ गते निसें चैत्र ३ गते तक अन्तर नगर महिला कबड्डीया धिंधिं बल्ला जुइगु खाँ व्याकय्ता आइतबार नगरपालिकाया सभाकक्षसं ‘पत्रकार भेटघाट कार्यक्रम’ जुले ।



उगु ज्या इवः सं खप नगरपालिकाया प्रमुख सुनिल प्रजापति जुं पार्टीया घोषणा-पत्र, चुनावी प्रतिवद्धता काथं नगर व्यागु महिला कबड्डीया धिं धिं बल्लावसः रवयागु खाँ व्याकसे कासाता छम्हा छम्हा नागरिकया जीवनया अभिन्न अद्ग दय्केणु तातुडः ब्वनय्कुथि व्यागु व नगर व्यागु अन्तरनगर स्तरीय कासात रवयो च्वडागु खाँ व्याकसे थजगु कासाया रवसः रवसा अलय ब्वति कायके छवसा राष्ट्रिय अन्तरराष्ट्रिय कासामिपुं ब्वलानिगु खाँ काडः दिल ।

## साफ् चिखी फ्यनय् ज्या

फागुन २८ जाते



ग्रा.डा. पुरुषोत्तमलोचन श्रेष्ठ जुं च्ययो द्यूगु ‘अन्तरडगका तरडगहरू’ नाया साफ्या चिखी फ्यनय् ज्या नेपाल मजदूर किसान पार्टीया नायो भाजु नपां वरिष्ठ राजनीतिज्ञ नारायणमान बिजुक्छैं (रोहित) जुं याडः दिल ।

मनूत स्वस्थ जूसा अस्पताल व स्वास्थ्य केन्द्रे उपचार याक वैपुं ल्वगीत म्हवचा जुइगु खाँ व्याकसे कुखियगु थाय् मदय्कः थुगु कासा न्ह्याक्यता सञ्चार कःमि व स्वापु दःपुं मनूतय्गु साथ व रवाहाली मदय्क मगा वयकलं धायो दिल ।

पत्रकार नपालय्गु ज्या इवःसं युवा तथा खेलकुद समितिया कजि श्याम कृष्ण खाँती नगर महिला कबड्डी या धिं धिं बल्ला नेपःया न्ह्यापांगु धिं धिं बल्ला कासा खः धायो दिल ।

धिंधिं बल्लासं न्हाप लागु पुचः ता १ लाख ५० हजार तका, ल्यू लागु पुचः ता १ लाख तका व ल्यूया ल्यू लागु नेगू ५० हजार तका नगद पुरस्कार दैगु खाँ व्याकसे अःतक ख्य् नीगू नगरपालिकाया पुचलं ब्वति काइगु खाँ नं काडः दिल ।

कबड्डीया धिं धिं बल्ला सहिद स्मृति कासा ख्यलय् जूडगु उलेज्या याय् हाँ वडा नं. ९ दत्तात्रयं च्याली न्ह्याकः बजार चाहिल सहिद स्मृति कासा ख्यलय् वयो उलेज्या जुइगु खाँ वयकलं काडः दिल ।

समितिया दुज राम सुन्दर बासीं कासा याय्मःगु खाँ काडःदिलसा उगु कासा तः लाक हज्याय्ता प्रमुख प्रजापतिया कजिलय १५१ म्हा सिया मूल समिति नपां मेगु ११ गू उप समिति न निः स्वांगु खः ।

## ट्र्याक सुट इडः बिल

फागुन २८ जाते



खप नगरपालिकापाखं रवसः रवगु नगर व्यागु कबड्डीया धिंधिं बल्ला सं खप नगरपालिका पाखं व्वतिकाइपुं कासामिपन्ता खप नगरपालिकाया प्रमुख सुनिल प्रजापति जुं ट्र्याक सुट लः ल्हाडः दिल ।

सचिव नीगृगृगु ख्वप पौ. बःष्टि पौ(पाक्षिक)

# ख्वपय् नगर ब्यागु मिसामस्तय् गु कबड्डीया धिं धिं बल्ला

नेपाल मजदुर किसान पार्टीया नायो भाजु नारायणमान बिजुकछूँ (रोहित) जुं ख्वप नगरपालिकाया गवसालय जूगु नगर ब्यागु ‘अन्तर नगर महिला कबड्डी’ या उलेज्या याडः दिसे कासां मिसामस्तय् गु शारीरिक व मानसिक रूपं बल्लाकय् गु क्वातुगु लिधंसा खः धायो दिल ।



कासाख्य ब्वतिकः पुं मिसामस्त मेपुं स्वयो सभ्य, अनुसासित व मरयापुं जुइगु नपां कासां जिउ बालाकिगु खाँ ब्याकसे त्या बु स्वयो मन हवयकः थः थः या भावना तयो म्हितय्ता इनाप याडः दिल ।

ज्या इवःया सभाया नायो नपां ख्वप नगरपालिकाया प्रमुख सुनिल प्रजापति जुं ब्वति कः व पुं थी थी नगरपालिकाया पुचः ता लसकुस यासे देया थी थी नगरपालिका नपां क्वातुगु स्वापु तय् गु, जनप्रतिनिधिपुं व कासामि पुं नपां अनुभव काल बिल याय् गु तातुना काडः दिसे थः थः गु प्रतिभा क्यडः म्हितय्ता अनुरोध याडः दिल ।

वागमती प्रदेशया सांसद सुरेन्द्र राज गोसाई जुं थुगु कासाया गवसलं देया थी थी नगरपालिकाया कासामि व नगर बासीपुं नपां बालागु स्वापु दैगु खाँ ब्याकसे कासां नागरिकपुं मानसिक व शारीरिक रूपं स्वस्थ जुइगुलिं राज्य थुकिता हहाय तयो ज्या सानय् मःगु कासामिपुं थैं दे न्ह्याकिपुं न्ह्यलुवा धःपिन्के

अनुशासन मरुगुलि दुखः स्पूगु खाँ काडः दिल ।

नेपाल कबड्डी संघया नायो तुलसा थापां महिला कबड्डी गवसः गवगुलिं ख्वप नगरपालिकाता सुभाय देछासे थजगु ज्या स्वंगूतं तहं याःसा कासामिपुं विदेशय् वानिमखु धायो दिल ।

ख्वप नगरपालिकाया वडा नं. १ या वडाध्यक्ष श्याम कृष्ण

खत्री जुं कासाख्य दैगु नगद सिरपा व ब्वतिकः पुं पुचः या ल्या काडः दिलसा ख्वप नगरपालिकाया प्रमुख प्रशासकीय अधिकृत वसन्त भट्राइ दायँ दायँ पतिकं छगु नं छगु ख्वप नगरपालिकां थजगु कासाया धिं धिं बल्ला याःसा देया भूगोल, म्हासिइका, संस्कृति थुइके दै धायो दिल । अथेहे वडा नं. ४ या वडाध्यक्ष उपेन्द्र सुवालं सुभाय देछःगु खः सा युवा तथा खेलकुद समितिया दुजः राम सुन्दर बासीं नं न्वचु तयो द्यूगु खः ।

अथेहे निरायिक पाखं राष्ट्रिय निरायिक दिलिप नारायण श्रेष्ठ व कासामिपितिगु पाखं राष्ट्रिय महिला कबड्डी कासामि पुजा दुवालं अखिल नेपाल कबड्डी संघया नियम कायँ बालाक म्हितय् गु शपथ कःगु खः ।

उलेज्या ज्यु हाँ वडा नं. ९ दत्तात्रयं जनप्रतिनिधिपुं,



कर्मचारीपुं र्वाहालीमि, कासामिपुं व थी थी ब्वनय्कुथिया ब्वनामिपुं मुडः च्याली याडः सहिद स्मृति कासा ख्यलय् वगु खः ।

## अन्तरनगर महिला कबड्डी कासा न्ह्यात

(२०८० फागुन २९ गते)



## अन्तरनगर महिला कबड्डी धिंधिं बल्ला उलेज्या सं

(२०८० फागुन २९ गते)



माजु पुखू जलेश्वर महाद्योया देग: नपां 'माजु पुखू र जलेश्वर मन्दिर पुनर्निर्माण' साफू पित ब्वज्या  
(२०८० फागुन २४ गते)



नगर व्यागु महिला कबड्डी धिं धिं बल्ला ज्या इवः या उलेज्या  
(२०८० फागुन २९ गते)

